

支那
撰述


華嚴經隨疏演義鈔

八十一之十五

禹



C40
4514
219



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

L40-4541

丁翁士唐詩大藏卷第
家書置之武昌紫雲山
我微笑時院庭有深木
為學者不敢忘於壁
當山二世鐵牛機謹識



B 64853

大方廣佛華嚴經隨疏演義鈔卷第八十一

唐清涼山大華嚴寺沙門 澄觀述

疏三顯種類者疏文有三初總明深廣二今自狹下
正明種類三有餘無餘下對經辨定二中言餘無餘
者釋有多義依小乘中自有二義一有二義一有宗
云涅槃體一約時不同得二名字言體一者於此宗
中煩惱業思以道力故應起不起擇滅無爲是涅槃
體此體是一約對身智得二名字身智未盡說前涅槃
以爲有餘身智盡竟向前涅槃轉名無餘非身智
滅卽名涅槃以身智起已謝滅是無常故若斷因故

令後不起是非擇滅故非涅槃二依成實涅槃體二生死因盡名一涅槃生死果盡名二涅槃由有宗中要道親斷方稱擇滅身口二業及生死果非道親斷故不取之成實由斷煩惱餘不起故見修斷故亦得擇滅故名涅槃然望大乘皆有名有餘有餘變易故若依大乘遠公自有四別一云二死因盡名曰有餘二死果盡名曰無餘三云分段因果盡名曰有餘變易因果盡名曰無餘三云分段因果及變易因果盡名曰有餘變易果滅名曰無餘四者唯就變易因果爲一二分段因果屬小乘故若依金光明約三身說三身品

云善男子依此二身一切諸佛說有餘涅槃依法身者說無餘涅槃何以故一切無餘究竟盡故依此三身一切諸佛說無住涅槃何以故爲二身故不住涅槃離於法身無有別佛何故不住涅槃二身假名不實念念滅不住故數數出現以不定故法身不爾是故一身不住涅槃法身者不二故不住生死依三身故說無住涅槃準上經文法身卽是自受用身常在密嚴佛土一切餘盡者是煩惱正習分段變易皆盡肇公云生名有餘滅名無餘亦卽此中意下疏用之若依唯識云一有餘依涅槃謂卽真如出煩惱障雖

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

有微苦所依未滅而障永寂故名涅槃二無餘依涅槃謂卽真如出生死苦煩惱既盡餘依亦滅衆苦永寂故名涅槃釋曰此通大小而說真如爲體卽異小乘論下料揀云如何善逝有有餘依問也雖無實依而現似有惑苦依盡說無餘依非苦依在說有餘依是故世尊可言具四釋曰此答有二前明示有同於二乘後明以無漏蘊爲有餘依故云非苦依在疏二性淨方便淨者亦名二德亦名二寂亦名同相不同相並如初地示說分齊中辨性本淨故從因方便之所顯故作用善巧故亦是體用餘如別章疏二卽自

性真應者上明真應自性合其二佛約淨今開自性通於染淨疏或分爲四卽唯識論論云一本來自性清淨涅槃謂一切法真如理雖有客塵而本性淨具無數量微妙功德無生無滅湛若虛空一切有情平等共有與一切法不一不異離一切相一切分別尋思路絕名言道斷唯真聖者自內所證其性本寂故名涅槃二有餘依三無餘依具如上說四無住處涅槃謂卽真如出所知障大悲般若常所輔翼由斯不住生死涅槃利樂有情窮未來際用而常寂故名涅槃一切有情皆有初一二乘無學容有前三唯我世

80123456789 90123456789 100123456789

尊獨言具四下疏結文用此四也疏有餘無餘下三通相料棟非獨應滅棟於異釋疏四彰業用初正明亦卽無名論第十玄得演中言也彼云故能囊括終古導達羣方亭毒蒼生疎而不漏汪哉洋哉何莫由之哉故梵志曰吾聞佛道厥義弘深汪洋無涯靡不成就靡不度生然則三乘之路開真僞之途辨賢聖之道存無名之致顯矣釋曰彼後歎無名今略不舉二涅槃云下引證前疏已引三則出現下結成深廣今以出現爲總門則涅槃當其一德若涅槃爲門出現九門皆涅槃出矣四然諸門下指廣在餘已攝諸

妙故云略在文具疏今初根本自性者此三行疏已具上列一二三四諸涅槃矣思之可見疏二指理同事者事卽真應涅槃於中三一略釋經文二真應無本下總顯文意三所以列十下釋十之由二中先反顯真應涅槃若無自性涅槃爲本皆非不生而真涅槃由性淨顯共許不生而應涅槃皆謂生滅故今特說應無性淨安得不生後故以本下順顯以性淨本該真應末真應對性淨稱末故真與性淨二俱爲體該應化用皆爲無住三德涅槃三釋十所由中究竟妙道者卽無名論難差中文文云有名曰涅槃旣絕

801 2 3 4 5 6 7 8 9 901 2 3 4 5 6 7 8 9 1001 2 3 4 5 6 7 8 9 101 2 3 4 5 6 7 8 9 102 1 2

圖度之城則超六境之外不出不在而玄道獨存斯
則窮理盡性究竟之道妙一無差今取意引疏是知
玄道下結成正義言妙悟者卽能契是由能契卽真
方得成此所契卽真卽是性淨卽妄卽真生無生矣
豈非齊觀齊觀一味能所兩冥故全真性以爲我體
真旣湛然故知雙林應滅非滅以常住故言無滅者
本寂滅故然此亦卽妙存中文上意業中用其一半
彼已具引今側用兩句謂彼天地與我同根萬物與
我一體今順經文以真如等爲涅槃本疏涅槃不空
者謂有善色者遠公引此證色爲體今亦一義常身

法身栴檀座塔楞伽之義前皆已引疏妙色湛然者
六卷泥洹經純陀歎佛云妙色湛然常安隱不爲時
節劫數遷大聖曠劫行慈悲獲得金剛不壞體餘可
知疏第三至出沒常湛等者以此中經文有二先明
出沒之跡後而實如來下明常湛之本疏中有五
立理二無不爲下直消文三不礙出沒下覆疎顯意
四是知寂然不動下結成相融上句體不礙用下句
用不礙體五豈可隨於下結彈惑情然此五段多用
無名第三位體論云其爲稱也因應而作顯跡爲生
息跡爲滅生名有餘滅名無餘然則有無之稱本乎

80 1 2 3 4 5 6 7 8 9 100 1 2 3 4 5 6 7 8 9 100

無名無名之道于何不名是以至人居方而方止圓而圓在天而天處人而人原夫能天能人者豈天人之所能哉果以非天非人故能天能人耳其爲治也故應而不爲因而不施因而不施故施莫之廣應而不爲故爲莫之大爲莫之大故乃返於小成施莫之廣故乃歸乎無名又下云意謂至人寂怕無兆隱顯同原存不爲有亡不爲無何則佛言吾無生不生雖生不生無形不形不形以知存不爲有經云菩薩入無盡三昧盡見過去滅度諸佛又云入於涅槃而不涅槃以知亡不爲無亡不爲無雖無而有存不

爲有雖有而無雖有而無故所謂非有雖無而有故所謂非無然則涅槃之道果出有無之域絕言象之逕斷矣子乃云聖人患於有身故滅身以歸無勞勤莫先於有智故絕智以淪虛無乃乖乎神極傷於玄旨者哉上一段論文義理連環但觀所引自見疏意其結譚文亦彼章末云而惑者居見聞之域尋殊應之迹秉執規矩而擬大方欲以智勞至人形患大聖謂捨有入無因以名之豈謂採微言於聽表拔玄根於虛壤者哉疏後合然法身無像等者疏文有三初正釋二引證三據定今初亦前章後意次彼論云經

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

大智度論卷第十一

甲一

云法身無像應物而形般若無知對緣而照萬機頓
赴而不撓其神千難殊對而不干其慮動若行雲止
猶谷神豈有心於彼此情係於動靜者乎既無心於
動靜亦無像於去來去來不以像故無器而不形動
靜不以心故無感而不應然則心生於有想像出於
有想像非我出故金石流而不燋心非我生故曰用
而不勤紛紜自彼於我何爲所以智周萬物而弗勞
形充八極而無患益不可盈損不可虧寧復病癘中
達壽極雙樹靈竭天棺體盡焚燎者哉疏故攝論下
第二引證釋先舉論後是以經言下會釋經文論云

此頌顯示顯現甚深在喻可知合者釋論云衆生心
中無奢摩他清淵定水佛影不現非如來答如說如
來是真妙道卽無漏影有感斯現生盲不覩釋下半
云諸佛法日放契經等光徧照有情世間有緣教光
斯現如日流光盲者不覩疏然此下第三揀定亦展
轉通妨於中三初正揀定恐有問言今說法身何名
涅槃釋意云涅槃必具三德此卽法身餘之二德從
法身流則法身故二若爾下對前身揀先問後出現
身下答三此有般若下三對菩提揀解脫無濫故不
揀之於中先問後若分相下釋於中先明分相卽唯

識等意唯識第十釋轉依果云四所轉得此復有二一所顯得謂大涅槃此雖本來自性清淨而有客障覆令不顯真聖道生斷彼障故令其相顯名得涅槃此依真如離障施設故體即是清淨法界二所生得謂大菩提此雖本來有能生種而所知障礙故不生由真聖道力斷彼障故令從種起名得菩提起已相續窮未來際此卽四智相應心品故大乘法師云理凝本有離纏而號涅槃智照新生果圓而稱正覺乃四德之鴻源三明之妙本矣疏若攝相說下後明攝相中文有四別一約理智相攝以離理無智離智無

理如珠之明如明之珠故般若云覺法自性離諸分別爲菩提故則有理矣涅槃中有般若德故二智性本有下本有修生相攝則性淨但名涅槃方便淨者方爲菩提今明二淨俱通上二今疏但顯別說所無故於菩提訣性淨等上說菩提如虛空故世界成壞無增減故涅槃經說修習常住二字爲滅相者我於其人爲般涅槃彼中宣說本隱今顯法常名常方便修生報常名住修此二字爲大涅槃寂滅之相大般涅槃猶顯其心故佛證之爲般涅槃故知各具方便性淨三隨一爲門下雙結前二四今以涅槃下結歸

撰述

大藏經卷第十一

釋二

涅槃疏第五示滅妙存滅既示滅卽無滅矣故爲妙存妙存二字全是無名第四章名彼論云聖人處有不有居無不無居無不無故不無於無處有不有故不有於有故能不出有無不在有無怕爾無朕斯爲妙存然出沒常湛兼明於出今但無滅故不同也疏第六至隨緣起盡合中四初正釋文引法華者以法華中諸師異解今將此文楷定彼義二然現滅現生下彰其大意明生與滅皆涅槃故三故攝論下引證四旣起滅在緣下結成常住亦是無名位體中義第四已引疏第七存亡互現意隨機見故疏第八至大

用無涯疏文有二先釋文後揅異今初卽無名論第十五動寂彼云聖人無爲而無所不爲無爲故雖動而寂無所不爲故雖寂而動雖寂而動故物莫能一雖動而寂故物莫能二物莫能二故逾動逾寂物莫能一故逾寂逾動所以爲卽無爲無爲卽爲動寂雖殊而莫之可異也疏涅槃受純陀供處等者卽舉同揅異彼第十經大衆問品云爾時一切菩薩摩訶薩天人雜類出大音聲唱如是言奇哉純陀成大福德能令如來受取最後無上供養而我等輩無福所致所設供具則爲唐捐爾時世尊欲令一切衆望滿足

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

於自身上一一毛孔化無量佛一一諸佛各有無量
諸比丘僧是諸世尊及無量衆悉皆現身受其供養
釋迦牟尼如來自受純陀所奉設供者爾時純陀所
持梗糧成熟之食摩伽陀國滿足八斛以佛神力悉
皆充足一切大會爾時純陀見是事已心生歡喜踊
躍無量一切大衆亦復如是釋曰彼經雖言無量化
佛但云受大衆供無此重重等衆生數盡未來際此
但約文以明優劣非當時化不能普周亦以彼證無
盡化現皆涅槃用疏第九至體離一邊亦卽彼超境
中意彼中有名先徵出云請覈妙道之本爲有爲無

果若有也雖妙非無雖妙非無故則入有境果若無
也無則無差無而無差則入無境總而括之卽而究
之無有異有而非無無有異無而非有者明矣而曰
有無之外別有妙道非有非無謂之涅槃吾聞其語
矣未卽於心也第五超境答云然則有無雖殊俱未
免於有也此乃言像之所以形是非之所以生豈足
以統夫幽極而擬夫神道者乎是以論稱出有無者
良以有無之數止乎六境之內六境之內非涅槃之
宅也故借出以祐之庶帰玄之流髡髮幽途託情絕
域得意亡言體其非有非無耳豈曰有無之外別有

撰述

方丈房傳主於西山遺教卷之十一

十一

卷二

一有而可稱哉今但云體離二邊非唯離有離無若實若虛若處非處等皆二邊也於中先反釋身是體故先明後由非實故下順釋疏第十至結歸無住結上九門皆歸無住涅槃於中二先釋經文後結歸無住今初即是結前之義言誰獨非涅槃而欲捨之耶者卽側用玄得中文彼以第九考得難云經云衆生之性極於五陰之內又云得涅槃者五陰都盡譬猶燈滅等下結意云若有可得涅槃五陰不都盡陰若都盡誰得涅槃故玄得答云且談論之作必先定其本旣論涅槃故不可離涅槃而語涅槃也若卽涅槃

以興言誰獨非涅槃而欲得之耶意云衆生卽涅槃故更不可得下引淨名衆生卽涅槃相此明一體故無可得今言一體故無可捨衆生卽涅槃若捨衆生卽捨涅槃也疏是則初住實際下二結歸無住於中四初正歸無住無住涅槃前已具引二由雙住下出無住所以經中是住今乃結歸無住者由若不住實際安能不住生死若不安住大悲安能不住涅槃然則亦由俱不住故而能俱住今此順文經是俱住結歸無住故但用住以成無住三前卽大智下別舉成無住因卽唯識文四自性涅槃衆生等有下釋歸無

撰述

卷之三

十一

十一

住之意涅槃有四何以但歸無住無住涅槃唯佛得故皆是論文具如上引卽安住下是涅槃經疏初句無生之生者如無生性無生也佛出興之生也下句例知後句一切義成故爲大用上三句是體第四句是用故云餘不頌者舍在此中者不出體用故第十一出現見聞疏不出智斷恩者初三句標三德果初句智德般若滿故次句卽斷德解脫滿故次句恩德法身究竟故次二句總成上三三俱願滿皆不虛故後六句復釋上三初三句釋上無盡覺慧不盡有爲此成事智隨順無爲此生理智此二因圓生諸佛智卽

是果滿次二句釋上究竟大悲恩德盡未來故種智行成得法身故後一句釋上斷德得至佛地無障可斷故解脫功用故上出現意業中云得如來地息一切用疏實性論亦明如來爲菩薩六根境界論有四卷此當第一是成就自利利他偈云諸佛如來身如虛空無相爲諸勝智者作六根境界示現微妙色令知深妙法疏亦同法華乃至舉一手卽第一經前已引竟疏如來祕密藏經明罵藥等者具云大方廣如來祕密藏經此卽下卷大迦葉問唯願說是如來

撰述

妙廣德華嚴經疏卷第廿一

廿一

三

二

祕密藏法佛言迦葉於汝意云何汝謂我行菩薩道時所捨手足頭目耳鼻皮肉骨髓血及妻子略說乃至一切財物處處逼惱於菩薩者是諸衆生不墮地獄畜生餓鬼及諸惡趣何以故本行菩薩行時志意淨故及大誓願淨戒聚故於諸衆生大悲純至及堅忍故以大慈故大功德法故牢強精進向大乘故息心淨故大願饒益故不喜自樂故其有衆生觸燒菩薩毀罵之者菩薩德故不墮惡道迦葉我今引喻以明斯義迦葉猶如病人良醫授藥而是病人故罵是藥及與良醫先毀罵已然後乃服此藥迦葉於意云

何藥以罵故不爲藥耶病不除耶不也世尊雖復毀罵藥不失勢而能除病如是迦葉菩薩如藥及彼良醫不生恭敬如種種觸惱然是菩薩純淨志意無有缺減又舉大寶珠有大勢力有人毀罵不失寶力又罵明燈燒之亦能除闇言罵沉者義引彼云罵赤栴檀以手搥打連燒棄之爲作何香迦葉答言作栴檀香又云如人抱執糞穢棄之以華香供養是人有何等氣答有穢氣佛言供養外道但有見畏地獄畜生餓鬼等畏耳疏涅槃喻以毒塗之皷者卽第九經如來性品南經亦第九卽菩薩品文云譬如有以雜

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

卷之三

十一

十一

毒藥用塗大鼓於衆人中擊令發聲雖無心欲聞聞之皆死唯除一人不橫死者不橫死者卽一闡提人釋曰彼經猶揀闡提此意取不欲聞以喻不信而得益耳法華不輕可知菩薩之名起自聞誦之日者亦卽此卷答云云何未發心而名爲菩薩如日光明諸明中大大涅槃光能入衆生諸毛孔故衆生雖無菩提之心而能爲作菩提因緣迦葉問言云何未發心而作菩提因緣次如來舉夢中見羅刹喻初聞不信夢中羅刹令其發心云汝若不發菩提心者當斷汝命寤已發心或於三塗續復憶念發菩提心卽大菩

薩也生公云菩薩之名起自聞誦之日疏豈言象之能及卽周易略例中意言者所以在象得象而忘言象者所以在意得意而忘象第二會已引疏則庶幾出現之旨者庶幾卽周易繫辭云顏氏之子其殆庶幾有不善未嘗不知知而未嘗復行彼釋云始者近也庶者衆也幾者事動之微也謂聖人見幾賢人庶幾今令効學亞夫聖賢也疏法集經云等者經有六卷卽第六卷末云善男子是法門多行於婆伽羅龍王世界多行於帝釋住處多行於阿那婆達多龍王處然後行闍浮提中常於諸佛所護衆生中行於直

撰述

空曆傳

七

解

一

心不諳曲衆生中行於能信深法者常在如是衆生
 心手中行疏般若論云法欲滅時者卽金剛般若無
 著論上卷釋經須菩提白佛言世尊頗有衆生得聞
 如是言說章句生實信不佛告須菩提莫作是說如
 來滅後後五百歲有持戒修福者於此章句能生信
 心以此爲實當知是人不於一佛二佛三四五佛而
 種善根已於無量千萬佛所種諸善根論云爲欲得
 言說法身住處故經云正法欲滅時者謂修行漸減
 時應知疏若約教道三祇亦未入玄者卽古十玄意
 然歷三祇設未究竟亦已入位何以得言未入玄耶

是故上云若約教道施設三祇教旣未真則成佛義
 亦非真也教不實故若約正道三祇修行必已覲證
 修權旣深則入實也疏無性攝論等者卽第六論若
 世親釋云由此能令諸佛種性不斷絕故疏十住毗
 婆沙等者卽此第二釋初地常生如來家文云初地
 心生必能常集諸善根不休息故名爲常生如來家
 如來家者卽是佛家下廣釋如來義意以涅槃實相
 四諦三空等皆名爲如智慧到彼故名爲來結云如
 來者所謂十方三世諸佛是諸佛家名如來家今是
 菩薩行如來道相續不斷名爲生如來家釋曰具如

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

來道卽佛行也

離世間品第三十八疏約處名三會普光明殿之會等者疏文有二先正釋後解妨前中亦二先標後第七重會下釋意明第七已曾重會故今名三會而便明七八俱會普光而有差別疏而前分生解差別下解妨文有二妨一伏二顯初有伏難卽重會不同妨謂有問言一種重會何以前歷多會此唯一會答有二意一前約解故須多今約行故須一以頓起故二前約行布故歷位不同今約圓融故一會頓起在文可思疏此中不隔餘處何有重會之義卽第二顯難

重會不成妨先難後若約次第下答答有二意一約行布不壞相邊約時明重如人前於此講續前再講豈非重耶二若約圓融下就圓融門約義明重於中
有三初標二故不動前二下反難以成三以喻別顯二中謂汝向問意云第二至第七中隔四會故得名重第七第八中無有隔何得名重今謂第二望七亦不隔越何者既不起覺樹而昇四天四天覺樹定是一時第六他化天後卽說第七曾何隔越則二七不隔亦得名重今七八不隔何不名重明知約義者結成七八重會皆是約義而言不動前二者文中雖云

80 1 2 3 4 5 6 7 8 9 10 1 2 3 4 5 6 7 8 9 10

不起覺樹以普光近覺樹故不別言之實則不起前二頓昇四天也疏亦猶燈光下第三以喻明也光雖涉入隨燈有異時處雖一約義不同以約圓融一時頓演故爲此通亦似燈炷下復以喻顯前喻燈異光重此則燈一光異燈一喻於二處光重喻三會不同答難一千經者準度世品普智菩薩白佛言世尊諸來菩薩達者無礙中下之士各懷猶豫各心念言事物繁闊不知何事可捨可奉願佛分解佛歎善哉當爲汝說佛言、昔用有一故故問二百答以二千問二百者有神貪身計有吾我有內有外在有在無所

可諮問皆除吾我內外有無則有權慧開化無際答二千者十方一切皆來集會其心各異意行不同達者聞要則以至道不能達者爲演多辭曉諭文說牽攀義旨自所觀形以喻其意乃得解慧此經乃在邇字函中文只六卷長行文畢後有二百三十二頌義甚富贍二得名中世間性空卽是出世者卽淨名不二法門前來已引卽那羅延菩薩二明事下引十行偈義則可知度世品云品名度者一切衆生閉在世間五陰六衰之所覆蓋纏綿生死不能自拔以權方便智度無極消去五陰捐棄六衰不計吾我不在生

80 1 2 3 4 5 6 7 8 9 90 1 2 3 4 5 6 7 8 9 100

死不住滅度譬如日月晝夜演光權慧如是忽然無
跡德如虛空疏經云佛常在世者卽法身經下半云
不分別世間敬禮無所觀疏然今文中等者就別得
名中二一上別顯三義二次下會釋經文明具三義
若事若理下卽是總結然若事卽前事離若理卽前
性離此正約法因果卽兼結前行位也然此釋名疏
文妙矣易則易焉故不委釋疏二中明佛二十一種
下旣指前釋有疑當尋彼疏鈔不繁重舉疏前則多
人具德等者以舉多數次卽歎故後列普賢諸上善
人而歎德故疏餘九如次前已配釋者如前云一契

理願圓卽是釋德普眼滿故卽是屬人二攝法上首
卽是顯德言爲普化故者卽普化菩薩三受持正法
卽是顯德有普慧故卽是菩薩等疏佛華嚴者萬行
披敷嚴法身故者釋佛華嚴三昧華者菩薩萬行也
以因能感果故言如華嚴者行成果滿契合相應垢
障外消證理圓潔隨用讚德故稱嚴也三昧者理智
嚴理智無礙故華嚴卽三昧以行融離見故華卽是
嚴一行頓修一切行故華嚴三昧一行卽多而不礙
一故華嚴卽三昧以定亂雙融故三昧卽華嚴理智

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

如如故晉經云一切自在難思議華嚴三昧勢力故此卽據行爲言名華嚴三昧如賢首品疏前皆有加下上略釋文此下對前料棟然有二意前意自他對說後意亦通伏難難云前釋入定云爲受佛加故今無佛加何須入定故爲此通結云多端不可例難疏以無礙用一句是總標虛句者次下別問衆生無礙用等十問下文各以十句答之其無礙用句卽用衆生無礙用等十句釋之明是虛句疏此經總三遍說六位者上直科釋今出爲六所以於中五一正明言三遍說者一差別因果是第一遍下法界品寄位修

行爲第三遍故此爲第二既云此約行說則知前約解說後約證說也二故度世下引證證其二義一證約行云諸菩薩行二證六位云從始至終三彼經雖不下遮伏難恐有難云旣云始終何必卽配信等故爲此通四此經所以下會今經亦是通妨妨云彼中別別問答縱許配位此中通問何得例彼故爲此通五此經上下及本業下會異釋卽破刊定於中二先叙彼問後爲會釋今初卽刊定問然其問意不問十信從十住問亦爲六段謂前三賢十聖後二卽等妙二覺則今六段盡皆不同謂以信爲住以住爲行

撰述

以行爲向以向爲地以地爲等覺以因圓果滿爲妙
 覺此判既乖今苑公於此一品經不解一句以判六
 段盡皆錯故疏此有深意下疏爲會釋卽答其問也
 於中五一總明爲行故初有十信二等覺之位下釋
 不開等覺所以雖舉三義而取第三別開但攝在第
 六因圓之中三若爾此中依言下卽出刊定救義欲
 令初是問十住故四此難尤非下今疏破其所引之
 文不得文意五不究斯旨下結彈援者引也引文不
 當義旨全乖故上判其不解一句以信爲住明不解
 信亦不解住以住爲行明不解行亦不解住等故一

品經不解一句疏英云雲興二百問等者彼有九會
 禮讚第八會云法門當再席法雨更滂流懸河二百
 問瓶瀉二千酬一心窮性海萬行炳齊修五位因成
 滿八相果圓周今略舉二句復改其懸河字作雲興
 字耳疏昔賢位行示成佛故通向四門是果之義疏
 若爾此則普別具足者上正釋普別此下通妨後非
 謂守普下解釋釋有二意一別不失普故名普賢不
 名別賢二又普必有別下明別不必普普能攝別故
 名普賢如一縷下出別無普以錦外之縷故不必普
 則有縷未必有錦有錦必有其縷兼成前義別不失

撰述

方廣律華嚴疏註卷之十一

十一

十一

十一

普是普中別故疏此乃等無極下結歎疏今初一門
 一類下文中有四初總標二首明依下辨初門來意
 三然二百門下總科諸段四今此依中下正釋經文
 疏忘失菩提心下卽五十八經疏一毫之善等者廻
 向已釋文殊云我不見一法下卽大般若曼殊室利
 分前亦已引疏涅槃云外道之法等者初卷宗中已
 引文意疏三入益中謂謗有二義等者以得證實方
 無細謗即是益也疏非顯受記相殊如瑜伽等者如
 下五十五經不壞廻向中十種受記中說瑜伽卽當
 菩薩地由六相故佛爲授記一安住種性未發心位

二已發心位三現前住四不現前住五有定時限謂
 爾所時證菩提六無定時限謂不說時限與授記又
 善戒經非種性人亦得授記如不輕授四衆記種性
 如十信得記疏又此約十信下結成上義則得授記
 瑜伽豎說授記相殊疏第六說三世者疏文有二先
 釋總名後十中下別釋釋中疏文有二一略消經文
 以文三世之中有不同故二然此三世下釋十世義
 中四一徵起二古人下叙昔三若依下辨違四今謂
 下申正義於中有三釋一具約九世緣起相由釋昔
 設用九日而爲九世於理無違二但以三世下以三

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

世緣起相由釋三唯就一念釋二中先明九世後成十世前中初正明二引證三釋妨今初正明也是中論破時品意謂小乘立有實時菩薩以相待門破之若因過去時有未來現在未來現在時應名爲過去若過去時中無未來現在未來現在時云何因過去釋曰此中論意以過去爲因現未爲果果由因有故無二時前偈縱成則果應名因亦因中有果後偈奪其因既不名爲果則果不從於因亦應以現在爲因過未爲果未來爲因過現爲果但長行例耳今疏具明而以一爲果以二爲因初以過去爲果現未爲因

過去果中應有因起故下引證云若法所因是出法不異因則果不異因是果中有因也次現未下例釋二世爲果亦各用二世爲因謂現在果因於過未來之果因過現也從是以三世各有三者總結疏中觀云下二引證即是第二論觀合品具云異因異有異異離異無異若法所因出是法不異因十通品已引此中但取果不異因之一義耳如因梁椽以成於舍梁椽若壞則舍亦壞果不異因故若果不異因則過去爲果則應名現未現未即是過去因故疏中論破執下第三解妨妨云此是中論破時則果中有因

因中有果皆成雜亂既不相有明無定時今何將過以爲其德故有此通遣執成德二義懸差若執三時有定性者尚不能見無性之理安知一中卽具三耶今由無性方互相由成無盡耳疏以病成下結讚其能疏總云下釋成十世可知疏卽此一念下成其九十先成九世此一念上雖因前後而其三世全在一中一中之三更互相因故爲九世本之一念故爲十耳疏故以一下以一對九互融相成結成上義九約於義一約實體體用相融故常九常一無有障礙體用相奪離九一相故同果海疏假十下總收前正義

亦是釋疑疑云旣以絕言而爲果海何要十耶故今釋云假之爲門則是說大同果絕言卽義大也上卽圓教之義二況積念下卽始教義三又無念等故卽頓教義四又法性同故卽終教義故結云有四後三通餘宗者謂法相無相大乘等宗也上取同義若取別義第四法性同故卽理性融通之門乃圓教義故云後三通於餘宗非全同餘宗則顯二三亦是此宗同教一乘若作法性融通釋者然此九世時無別體唯依緣起緣起無性卽真法性理融通故今時融通無礙自在略有四重一相泯俱盡二相與兩存三相

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

隨互攝四相是互卽初中以本從末唯事而無理以
末從本唯理而無事二中全事之理非事故一相無
時全理之事非理故九世不亂三中由隨事之理故
令一時能容一切時由隨理之事故令一切時隨理
入一時中多一反上互入可知四中由卽理之事故
令一時卽一切時由卽事之理故令一切時卽一時
唯理無物可相卽入唯事相礙不可卽入要以事理
相從無礙方有卽入思之可見疏二示成正覺故卽
前菩提身者但唐梵之異疏了本性故者非約所了
所了卽法界故然佛下會釋二門總名廣如別章卽

華嚴章門中亦義分齊內疏大文第二發普賢心下
疏文有六一標章二古德下叙昔三非不有理下繼
成四今取下正釋五若依圓融下通妨妨云旣沒位
名意存大行何須別配故今釋云行旣有二意取圓
融卽沒於位約於行布不妨次第若無次第何所圓
融六初四門下正依位科下文解釋若有疑者但觀
前經自當曉了疏今初總發名普賢心等者列中文
三初約三心菩提以釋二又前七下約二護釋三又
初三下約四弘釋疏亦卽是前勝進行等者但舉其
二等於餘八十者謂一勤供養佛二樂住生死三主

80 1 2 3 4 5 6 7 8 9 10 1 2 3 4 5 6 7 8 9 100 1 2 3 4 5 6 7 8 9 1000

導世間令除惡業四以勝妙法常行教誨五歎無上
法六學佛功德七生諸佛前恒蒙攝授八方便演說
寂靜三昧九讚歎遠離生死輪迴十爲苦衆生作歸
依處是也疏文相多同恐繁不會今當爲會一卽第
二二卽第一其三四五六如其次第七卽第九八卽
第七九卽第八十成大菩提方堪爲苦衆生依故其
間小有異處會意皆同爾疏此與前自分行中發心
因緣互有影略者彼經中十一見佛世尊形貌端嚴
二色相圓滿三人所樂見四難可值遇五有大威力
六或見神足七或聞記別八或聽教誠九或見諸衆

生受諸劇苦十或聞如來廣大佛法發菩提心求一
切智今言影略者前五下化衆生卽前第九或見衆
生受諸劇苦卽正當第二則彼略此廣彼一義含此
五此影取也後五上求佛道第六第八卽攝彼前六
則此略彼廣第七卽前七八記別教誠九十卽彼第
十廣大佛法故云影略疏後之五句卽彼此互闕者
彼五卽攝受守護同已師心導師心彼闕此五可知
疏此門卽勝進中近善知識者彼具十句云所謂誦
習多聞虛閑寂靜近善知識發言和悅語必知時心
無怯怖了達於義如法修行遠離愚迷安住不動釋

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

曰後之四句在後清淨之中今言近善知識卽彼第三第三是總下四五六句皆是發心之德卽此中別意其彼初二句文中略無疏梵云波利戍提者戍字率音戍提者此云清淨波利是遍是極疏彼開一慧爲十觀察者經云此菩薩以十種行觀一切法何等爲十所爲觀一切法無常二苦三空四無我五無作六無味七不如名八無處所九離分別十無堅實皆如初句有一切法疏卽前勝進十法觀察衆生界等者彼經云所謂觀察衆生界世界觀察地界水界觀察欲界色界無色界影略可知疏四證知一門明生

貴住等者彼自分行云此菩薩於聖教中生成就十法何等爲十所謂永不退轉於諸佛所深生淨信善觀察法了知衆生國土世界業行果報生死涅槃是爲十疏會異同可知疏但云所修諸行皆爲衆生者略義而已具云皆爲救護一切衆生二饒益三安樂四哀愍五度脫此上皆同初句有一切衆生之言六令一切衆生離諸災難七出生死苦八發生淨信九悉得調伏十咸證涅槃後五先明令一切衆生疏兼其勝進解衆生等者彼經云菩薩應勸學十法何等爲十所謂知衆生無邊二無量三無數四不思議五

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

無量色六不可量七空八無所作九無所有十無自性皆如初句有知衆生言疏故聞讚毀心定不動者彼云此菩薩聞十種法心定不動何等爲十所謂聞讚佛毀佛於佛法中心定不動二法三菩薩四所行五聞衆生有量無量六衆生有垢無垢七衆生易度難度八法界有量無量九法界或有或無十法界有成有壞皆如初句疏卽彼勝進中行等者彼云菩薩應勸學十法何等爲十所謂一切法無相二無體三不可修四無所有五無真實六空七無性八如幻九如夢十無分別皆如初句有一切法言前却可思疎

聞說心不退轉者大同前位亦有十句一聞有佛無佛於佛法中心不退轉二有法無法三有菩薩無菩薩四有菩薩行無菩薩行五菩薩修行出離修行不出離六過去有佛過去無佛七未來八現在同過去九聞佛智有盡無盡十聞三世一相三世非一相皆如初句疏涅槃二十八中廣明不退相者中有文云有六種法壞菩提心何者爲六一者恠法二者於諸衆生起不善心三者親近惡友四者不勤精進五者自大憍慢六者營務世業釋曰無此六事則不退也此門卽自行由三業無失故有無著等者彼具

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

云所謂身行無失語行無失意行無失隨意受生知衆生種種欲知衆生種種解知衆生種種界知衆生種種業知世界成壞神足自在所行無礙是爲十今疏配用可知疏後門卽彼勝進現變化等者彼云彼菩薩應勸學十法所謂知一切佛刹二動三持四觀五詣六遊上皆有一切佛刹言七遊行無數世界八領受無數佛法九現變化自在身出廣大遍滿音十刹那中奉事供養無數諸佛今疏舉一以等於餘疏故能善知十法者彼經云此菩薩善知十種法所謂善知諸衆生受生二諸煩惱現起三習氣相續四

所行方便五無量法六諸威儀七世界差別八前際事九演說世諦十演說第一義諦句句皆有善知之言疏後門勝進學法王處等者彼云佛子菩薩應勸學十法何等爲十所謂法王處善巧二軌度三宮殿四趣入五觀察六灌頂七力持八無畏九宴寢十讚歎十門皆如初句後五略無處字疏此門明成就十智等者彼勝進云此菩薩應勸學諸佛十種智何等爲十所謂三世智佛法智法界無礙智法界無邊智充滿一切世界智普照一切世界智知一切衆生智知一切法智知無邊諸佛智是也疏後十變化

撰述

大方廣佛華嚴經隨疏演義鈔卷第八十一

三

四

故能動利等者卽彼經自分十法云此菩薩得成就十種智何等爲十所謂振動無數世界二照明三住持四往詣五嚴淨上五皆有無數世界言六開示無數衆生七觀察無數衆生八知無數衆生根九令無數衆生趣入十令無數衆生調伏疏然此變化卽實如化非要化作者謂緣生如化故若變化作無而忽有故佛地論第三云化身三種一自身相應化謂自身作輪王等二他身相應化謂變化王爲佛身等三并身相應化大地爲寶等今並非此

大方廣佛華嚴經隨疏演義鈔卷第八十一

音釋

華嚴經隨疏演義鈔卷第八十一

分齊

分扶問切齊才請

撓

而沼切

燒

而沼切

寤

故

切與悟同

詰

津夷切

竭

戟戰切

劇

艱也

吳江黃沙灘公堂資糧刻此
大方廣佛華嚴經隨疏演義鈔卷第八十一
計字一萬一千二百八十箇 該銀五兩六錢
四分 龍山釋海瓊對
崇禎五年仲秋月徑山化城寺識

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

大方廣佛華嚴經隨疏演義鈔卷第八十二

唐清涼山大華嚴寺沙門

澄觀述

大文第三十行疏十中初三三寶持下疏文有四一
 取論意釋二然第十地下會論同異三既數名下會
 論同釋四上辨陀羅下會三處持字可知五十
四經疏夫說法下卽淨名目連章中時目連於里巷中爲諸居士說法時維摩詰來謂我言唯大目連爲白衣居士說法不當如仁者所說所以者何夫說法者當如法說法無衆生離衆生垢故法無有我離我垢故等說法旣權實下義取淨名之意疏非但依戒者阿難四

問佛令依戒爲師彼以戒爲饒益卽是依止之義疏豈畏衆生相惱害耶者以無違逆行多約耐怨害忍故疏八中十句五對者疏文有二先標所依法相而有二意後然各有二意下雙釋上二言各二意者十句五對各具上二也下依二意釋之先直就法體但約二諦以明卽釋前約境心等五後二約迷悟下卽釋上約五法明通就迷悟以釋上卽約境不出二諦今此約心不出迷悟悟卽正智迷卽妄想由此二故說成五法五法卽分爲五一約相上以如對之故無相是如二就妄想上以正智對之三就如如之上唯

就如如得失以明四就正智上亦約正智得失以明五就名上亦唯就名得失以明五中皆通迷悟然迷卽有名相妄想悟則唯正智如如智契於如一味平等餘如前後說疏九中初融三事心佛衆生三無差故後離融相故釋不融然不融中有二一不壞相二離融相離融相約理無可融故約心無想念故不壞相約本自融不可融故從三事下指文引證疏仙陀四實謂鹽水器馬前已廣釋九義瞿聲卽俱舍論云方獸地光言金剛眼天水於斯九種事智者立瞿聲唯金剛二字一義餘八各一疏如寒得火等卽涅槃

撰述

大藏經卷第十一

二

釋二

經疏五以異言說異法者卽攝論第四祕密中第四轉變祕密論云復有四種意趣四種祕密一切佛語應須決了四意趣義已見普賢三昧品四祕密者一令入祕密謂三乘中依俗諦理說有人法令入俗諦二相祕密謂說法相三自性等三對治祕密治八萬四千煩惱四轉變祕密欲令悟入總名祕密論釋第四轉變祕密云謂於是處以其別義諸言諸字卽顯別義如有頌云覺不堅爲堅善住於顛倒極煩惱所惱得最上菩提無性釋云謂於義轉變差別雜集云謂說無餘義名句文身隱密轉變更顯餘義無性釋

上偈云謂剛強流散說名爲堅此非堅固說名不堅卽是調柔無散亂定卽於此中起堅固慧覺彼爲堅世親釋云不堅謂定由不剛強馳散難伏故名不堅於此中起尊重覺詔覺爲堅釋曰彼二家釋論言異意同皆能密說順得菩提若取顯了於散亂心起堅固慧則遠菩提今取祕密於定不堅起堅固慧則得菩提言善住於顛倒者無性釋云謂於四顛倒善能安住知是顛倒決定無動釋曰若取顯了則住於無常計常等四倒之中不得菩提今則祕密知於常等於無常等上橫計而起決定知此名爲善住住於顛

801 2 3 4 5 6 7 8 9 901 1 2 3 4 5 6 7 8 9 1001 1 2 3 4 5 6 7 8 9

倒能得菩提也世親釋云是於顛倒中善安住義謂於無常等是能顛倒釋曰此則到彼所計義名善顛倒於此安住故得菩提言極煩惱所惱者無性釋云爲衆生故長時劬勞精進所惱亦引上偈云一同無性二釋無別釋云若取顯說爲貪嗔等惱亂行者名煩惱此卽遠離菩提今取祕密精進勤苦劬勞行者亦名煩惱則得菩提其第四句得最上菩提該上二義莊嚴論第八對法第十二皆同此說疏亦猶小乘十遍處者大乘亦有廣略不同今順定十故引小乘至法界品當廣分別疏亦猶依禪成八解脫者亦如

法界品疏念想觀除者卽智論文文云般若波羅密實法不顛倒念想觀已除言語法亦滅無量衆罪除清淨心常一如是尊妙人則能見般若是也念想觀除約於內智則不受外境見色如盲等而言善巧者非涉事善巧不念不受是入理善巧耳疏初有八句別知緣相者十二因緣相二知迷下十二句知染淨者卽雙知性相迷悟染淨猶是約相廣如六地第一義中二俱叵得卽約性說三知住下明知心行者卽能知性相觀照之心此中可以寂照虛懷而了亦爲明示心觀處也疏亦猶三法印等等取四印五印並

撰述

方廣律經卷第十一

四

三

如明法品說五十疏如善治船不懼海難卽大品經意第七地已引疏涅槃春池可於中說者然此經喻乃有一意一約敎說二約理說今引涅槃乃是約敎卽第二名春池喻經云譬如春時有諸人等在大池浴乘船遊戲失瑠璃寶沒深水中是時諸人悉共入水求覓是寶競捉瓦石草木砂礫各各自謂得瑠璃寶歡喜持出乃知非真是時寶珠猶在水中以珠力故水皆澄清於是大衆乃見寶珠故在水下猶如仰觀虛空月形是時衆中有一智人以方便力安徐入水卽得寶珠遠公釋云此卽對前比丘歎昔所解無約喻敎勸比丘文別有四一約初喻呵其取偽經云汝等比丘不應如是修集無常苦無我想不淨想等以爲實義如彼諸人各以瓦石草木砂礫而爲寶珠二約第三喻敎其取真經云汝等應當善學方便在處處常修我想常樂淨想三約第二喻勸知昔偽約第三喻勸修令真經云欲得真實修諸想者如彼

80 1 2 3 4 5 6 7 8 9 100 1 2 3 4 5 6 7 8 9 100

智人巧出寶珠謂我想常樂淨想關中釋云譬如春時有諸人等在大池浴者全爲設譬使知昔非而學今得是爲用也春既可樂又開浴之端而大池清曠濯之甚宜除垢合時寔唯昔說無常想者沐浴來集如林集聽本爲滌累以譬在大池浴今喻不稱故云有諸人等經言乘船遊戲者既聽致惑遂有失言言跡似漫義曰浮虛而在言先則應前過聽者乘以爲實是泛舟之像離內之外無有實功爲遊戲也經失珊瑚寶沒深水中者常與無常理本不偏言兼可珍而必是應獲由乘漫乖之爲失寶也乖則永隱爲深

沒矣經是時諸人悉共入水求覓是寶者聽本應取言旨以從失成求豈曰知之理數然耳求必就說爲人入水矣經競捉瓦石至乃知非真言旨雖俱以乖爲隱然一本顯譬浮一本密譬沉而取互其實非寶爲草木瓦石之沉浮也皆謂得真莫不歡喜持出於伊字之譬及佛判非明外乃知非也經是時寶珠至水皆澄清於取不得爲故在水中於知非爲義真旨始現乎語旨現不復渾跡則是珠力使澄清矣經於是大衆至虛空月形者旣自知謬方見語旨猶在言下明顯如月無復有暗而理可仰故如仰觀虛空中

撰述

卷之二十一

六

再

月也經是時衆中至卽便得珠如說修行爲安徐入水要在修習我常四法而不廢替方便之義先修於常後知無常如是得成在我豈非智哉經不應修習無常等想乃至而爲寶珠者合也譬中已悉故略合耳昔修都非而以爲是似彼癡人也經汝等應當善學方便在在處處常修我想常樂淨想者處處常修此四法者必以得之爲方便也經復應當知先所修習四法相貌悉是顛倒者知是則知非知非則知是對觀然後無惑矣經欲得真實修諸想者如彼智人巧出寶珠所謂我想常樂淨想者要常修得我常樂

淨然後都得真實如彼智人也上生公釋遠師大同而不委此此上約權實教旨故引涅槃若直就經宜用心觀約理以說經中初法次喻後合以一切智清淨妙法而爲寶者具三德故明爲般若淨卽解脫妙爲法身卽體之智曰明卽照之寂爲淨斯二不二爲法身體妙之至也凡夫如泥二乘有淺智如潦光色不改不壞自心令濁水清卽是利他遠見煩惱異於凡夫求一切智異於二乘故非凡夫行非賢聖行是菩薩行也五十七經疏初一明清淨對治等彼有四分今具其二但略無果果非正地故然諸門一一皆與彼

80123456789 90123456789 100123456789

本分相應有不曉者尋前自了疏今初前三地下疏文有四初明以此門釋四地所以二謂離有爲下釋總名三地經有十下會通彼經四結云下棟大異小耳然此中離生有二一離却生二離生澀出生亦二一從無之有曰生二生長名生餘可思疏瑜伽四十六明菩薩隨德假名者彼論云一切菩薩當知復有如是等類無有差別隨德假名所謂名爲菩提薩埵摩訶薩埵成就覺慧最上照明最勝真子最勝住持普能降伏最勝萌芽亦名勇健亦名最聖亦名商主亦名大名稱亦名憐愍亦名大福亦名自在亦名法

師如是十方無邊無際諸世界中無邊菩薩當知乃至內德各別無量無邊假立相號釋曰下引二論與此全同一二小異義無以別疏又商主天子經有五義者一於菩提分住持入故名菩提薩埵二入大乘故滿大乘智故名摩訶薩埵三不可求法智德入故名最勝薩埵四不與煩惱共住爲諸衆生滅煩惱故發精進故名淨薩埵五令諸衆生行淨道故名極淨薩埵疏言義唯實教者總生下六段四以迴向無休爲實五以定知三昧出入爲實六通天眼但見三千等三明十力方見過未今見死此生彼

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

便同力義非是實教無此義耳七以加悲念衆生爲實又云亦是廣七覺中一念覺者地經約道品等明治今五根八正卽是道品此廣念覺兼有七覺則與前文影略明耳八正中以順一切智異於二乘爲實九定權實雙行爲實如初禪離欲恚害是實而能逆化是涉權故異權小之九定也下並可思對前三地九次第定則知此中權實雙行以實教定故下指前文疏四門同顯道義下出經總標所以約義須分下出疏別配所以四中前二是五地修道爲六地莊嚴道是七地故云約義須分後二屬後恐是譯人一時

標耳疏十中前四各一無量者會五無量界也疏二無量助道下疏文有四一類同前文然彼有三分一勝慢對治二不住道行勝二彼果勝上十平等是治他地慢隨如意卽治自地當俱是第一分今此卽二三兩分二以智契如下釋成不住道義便仍前釋正道三今以圓融下通難釋成難云今是助道豈是不住道行勝等中行耶故答云俱爲正道並爲助道則助道中有正道故得合爲不住道耳四然正道不隨事轉下復有問言旣俱互通那得經中分成二名故答云雖則互通而文之中密已揀異則顯文中密已

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

同用空等顯互通義隨事不隱顯二別義疏第六無量修道下文四一顯修道是六地所由二無去來下顯其同相上顯義同此顯文同三十中前四下別科配屬四四中下隨文別釋於中有二先釋十平等言云彼從別義開成前八者一無相故二無體三無生四無成五本來清淨六無戲論七無取捨八寂靜故平等言今總明之下略有三義一不起心者約定故經釋云無動作故二稱本性約觀智了本性心境冥故故經釋云如本性故三遣修相者卽上二修亦不立故釋云無自性故疏亦可配三性等者如初來去

言遍計所執性以不不之卽相無自性性下二以依他圓成對生無自性性勝義無自性性可以意得疏四舉七喻通顯無著者七喻全同彼文論釋云此明遣我非有相而有二釋一者前七句以無破有七喻以有遣無令不著無故二者例同於前亦以無遣有故云我非有相幻夢影像不壞虛相取不可得疏今別明五藏者謂脾腎心肺肝也上總舉一腹所有此唯此五藏下唯一心約事卽然約法皆十融無盡故疏初明十眼等者疏文有五一指前經文釋成眼義如實知見爲眼義故二十中下隨文會釋三出體四

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

五指傳華藏經疏卷之十一

十一

三

明次第五餘如別章示原然諸教章門多分爲七門一釋名得名二辨體三修成次第四類差別五見境不同六約人辨異七問答分別今但義合五段之中初一義當釋名照贊名眼故別名隨釋中辨二隨文會釋中對餘五眼辨開合同異於中先釋前五但明業用同異後五卽開合同異前中先總明同異後別釋卽分爲五一肉眼中然明見不見略有五義一見麤不見細二見近不見遠三見明不見暗四見前不見後五見障內不見障外斯謂亦是見境不同故疏釋及引論影出其三而言等本等取麤細明暗言天

眼方見遠等取餘四此乃成不見遠等非釋天眼今肉眼下舉此顯勝四十四下引彼指此其應字合言說字此中不說者卽智論指摩訶般若爲此中疏然天眼下二釋天眼中先序五眼言假和合者卽是出體以肉天二眼皆是清淨四大不可見有對色爲體但人天趣別耳言不見實相者卽是所見境但翻前見近不見遠等則前五不見天眼皆見而不見實相實相是慧眼境故從今明見心下顯此十眼言似同彼者心若約相非實相故今具性相故亦不同疏此中慧眼下三釋慧眼言似法眼者約所見境異以

80123456789 90123456789 100123456789

彼法眼見事及根欲等今見衆生諸根境異故同彼法此中法眼似彼慧眼者彼中慧眼見理境故卽如實相也從所以互下出不同之由以慧眼但見理故不見盡滅一異今舉彼不見故云過彼則顯慧眼亦能見理但同者不舉耳疏此中法眼下四釋法眼亦舉彼不能顯此之能則一切法如實相言通事實理實若爾云何分於法慧然法慧二眼俱以慧數爲體五眼中明自有二義一慧眼以正體智爲體法眼以後得智爲性二云法眼從所知法爲名所知亦通於理慧眼從能知智爲名今正取後義則顯慧眼亦通

二慧疏彼佛眼下五釋佛眼先舉他宗亦約所知境後今舉下會釋今文而有二意一直案文則十力狹於一切法也故云舉勝下又云十力下別顯同彼不出十力之所知故顯唯屬佛揀異法慧故舉十力耳然彼釋名有三義一云四眼在佛皆名佛眼此卽佛身之眼從土爲名二云佛者覺義覺卽是眼當體爲名三亦可然達佛性名爲佛眼者涅槃云若人能見身中佛性雖是肉眼卽名佛眼故以十力當體照達名爲眼耳彼出體云佛眼卽以無功用智爲性或以圓鏡等四智爲體皆十力義耳疏後五中下釋後五

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

眼言義兼法慧者根本智卽慧眼攝後得智兼於法慧又能知卽慧所知卽法其出生死眼者亦前慧眼慧眼見理故釋無礙眼先正明後爲不壞相下通妨妨云若爾一眼卽足何用說十故爲此通釋一切智眼中言卽是普眼者名異體一晉名普眼卽佛眼總義然普眼略有三義一見普法故二普見諸法三所見卽眼故以前二義況出第三具如毗盧遮那品若法相宗言後佛眼下五眼皆佛眼攝一切智眼卽是佛眼疏故知十眼下第三出體隨相別體以見於前此卽圓融總相體耳疏若辨次下第四辨次唯約十

眼明其次別知根境卽慧眼次引入如實卽是法眼次令得佛力卽是佛眼次尋光而見卽通智眼及光明眼光有智光卽同智故次同歸寂滅卽出生死眼後等同法界卽一切智眼其無礙眼以是總故通於前後若法相中明次第者約修以明爲導養身先修肉眼肉眼見麤不見細等次修天眼天眼見色未見真境故修慧眼慧眼見理不能見事故修法眼法眼未圓故修佛眼疏餘如別章者諸章門中皆廣說之然大意要妙上已略具今更出其見境寬狹然所見有四一事二法三理四實陰界入等差別是事苦無

80123456789 100123456789

常等衆生根性是法二空真如是理如來藏中真常
 佛性是實此之四法五眼所見一肉眼所見見障內
 等然凡夫肉眼見百由旬二乘肉眼同凡夫見菩薩
 肉眼如大品說極遠見三千界如來肉眼與菩薩同
 見境分明天眼有二一報得隨在諸地及於下地下
 不能見上若修得者智論云凡夫天眼見一四天下
 以小聲聞見小千界大聲聞見中千界阿那律見三
 千界緣覺小者見中千大者見大千菩薩修得者隨
 人大小所見不定遠者見一切世界故地持云菩薩
 以一切世界爲天眼境報得者大品經說極喜見三

千如來見一切後之三眼不可以方所定論唯約得
 法深淺以辨二乘慧眼唯見生空菩薩慧眼具見二
 空不能窮盡如來畢竟二乘法眼但見苦無常等諸
 法總相麤觀不能微細若約不知根欲卽無法眼菩
 薩法眼了根欲性及一切法若總若別若麤若細而
 無不窮盡如來與菩薩同皆悉窮盡佛眼二乘全無
 菩薩人中進退不定地前菩薩聞見佛性未有佛眼
 地上眼見故有佛眼若準涅槃九地已還聞見佛性
 十地眼見而未了了但見自身所有佛性不見衆生
 所有佛性於自身中十分見一如來佛眼窮盡此明

80123456789 90123456789 100123456789

見實若約人辨餘則可知佛之三身化身具五報身無肉眼法身無五眼若約法性之眼亦得具五然隨法相宗差別斯法性宗中一一圓融具如上說五十疏與三施九施等者三施卽財法無畏九施卽一自性二一切三難行四一切門五善士六一切種七遂求八一世樂九清淨乃至六度四攝皆有此九十行之初已廣說竟故隨顯直釋者財施若顯卽名財等難行等不更廣引九中別義三中別義疏今初十施等者言一無向背卽清淨中別義者清淨有十今但有無向背之一耳彼當第八二遂求施者遂求皆八

今但有一三二世樂者二世樂有九今亦唯二所以引梵本者不亂之言不順二世樂以應時濟難順二世樂故疏餘七皆一切施者一切卽是三施然亦九中之一然一切有二一內外之二二有其三卽財法無畏故下結中十皆通三今前三有其別相後七無餘施別相故云卽一切耳五雖兼清淨之義不求異熟卽十中第二也六亦難行者以兼一切施故云亦耳難行皆三卽三中第二七內外財等者內外卽一切中初義也財等通一切中三也八九下通釋後三先總標此迴向巧卽別釋第八治第一過卽經中遠

撰述

方廣佛書齋卷第十一

十五

釋二

離有爲治第二過卽遠離無爲上解釋句行不住道下結成標句也疏十度皆有三輪者梵行品已說輪卽施家三輪疏又四難行忍下上約三忍今約九忍難行有三今是其一於下能忍是一難行對於上流生忍則易童僕子息生忍則難彼合敬順我合責罰故言恕不逮者卽晉書中意晉衛洗馬凡所發言皆爲實錄時有一人非理相忤後有僕使所爲非理於此二人並無慍色人問其故彼對之曰非理相忤可以理遣人之不逮可以情恕故云恕不逮故以釋經中爲上能寬此亦外典謂居上能寬爲下能敬君子

之行也疏又前五於所知等者上約攝論三慧以明今此下文卽瑜伽論說三相以釋五六七疏第二三門明福智者下疏文有二一總標二門二福智卽道下釋二助道具言乃有三義一單福是道單智亦然二合二爲道三雙絕爲正道助道具亦三可知疏六堅順位等者十忍品初已廣引瓔珞明竟十智卽智論二十六疏俱舍云大種謂四界者次句卽地水火風卽是界品具云大種謂四界卽地水火風能成持等業堅濕煖動性釋云初句標三義稱大一體寬廣故謂四大種遍所造色其體寬廣二增盛聚中形相

機述

方廣傳華嚴名疏卷之二十一

去

再

大故謂大地等三能起種種大事用故如地能持等一義釋種與所造色爲所依故大卽是種能持自性故名爲界次句辨業地能持用等取水能成相火能成熟風能成長後句出體可知今但要初句以證界爲毒蛇耳疏二明了法者下疏文有三一來意二總以普賢下顯能了智則是圓智了法無法非圓今但約相則所了通小耳三一是凡夫下隨文解釋以稚釋經之童以昧釋經之蒙易蒙卦云蒙亨匪我求童蒙童蒙來求我初筮告再三瀆瀆則不吉利貞彖曰蒙山下有險險而止蒙蒙亨以亨行時中也匪我求

童蒙童蒙來求我志應也初筮告以剛中也再三瀆瀆則不告瀆蒙也蒙以養正聖功也象曰山下出泉蒙君子以果行育有德注云山下出泉未知所適蒙之象也釋曰今正取蒙昧未知所適義耳言長四善根卽緩頰忍世第一法初地已廣疏二謂隨信他言而行道故名隨信行等者俱含賢聖品論云且於十五心位建立衆聖有差別者頌云名隨信法行由根利鈍別釋曰見道位中聖者有二一隨信行二隨法行由根利鈍別立此二謂鈍者名隨信行彼於先時隨信他言而行義故若利根者名隨法行彼於先時

80123456789 90123456789 100123456789

由自披閱契經等法隨行義故此二若至修道初名住信解後名見至疏已具用疏然今既云下揀實異權先正明小乘但知我空尚謂法有安覺自性而云等者見真實諦是須陀洹知無往來是斯陀含阿那含人不念受生法阿羅漢人成就四義辟支佛人一味緣起言義皆通大故有等言疏是以智論下引證成前通大之義天台引此立於通教通大通小通淺通深今先列名後當釋義初列名者一乾慧地二性地三八人地四見地五薄地六離欲地七巴辦地八辟支佛地九菩薩地十佛性地大品云菩薩從初乾

慧地至菩薩地皆學而不取證佛地亦學亦證故云通三乘法也二解釋者乾慧地者三乘初心通名乾慧卽是大乘三賢之位小乘卽是五停心等謂一五停心觀二別相念觀三總相念觀總觀無生四真諦理故名乾慧意云未得定水故二性地者若用總想念成三十七品初發有漏善入煖法頂法忍法世第一法皆名性地成內凡故三八人地謂信行法行二人體解見道假以發真斷見惑在無間道卽八人地四見地卽是三乘同見第一義諦之理同斷八十八使盡也五薄地者發六無礙斷欲界六品惑證第六

撰述

卷之十一

十一

一一

解脫欲界煩惱薄故六離欲地謂斷欲界五順下分
 結盡離欲界煩惱也釋曰五順下分結者一身見二
 戒取三疑四欲貪五嗔恚故俱舍頌云由二不超欲
 卽四五也由三復還下卽上三也七已辦地者卽發
 真無漏斷五順上分結八十八品修惑盡斷三界事
 究竟故言已辨釋曰五順上分結者一色愛二無色
 愛三上二界掉舉四二界慢五二界無明也貪過重
 故二界別明餘三過微二界合說有此五結不超上
 界名順上分結八辟支佛地者緣覺功德力大故能
 侵餘習氣故九菩薩地從空入假道觀雙流深觀二

諦斷習氣色心等無明得界外法界道種智遊戲神
 通學佛十力等故十佛地者大功德力資於智慧一
 念相應慧觀真諦究竟習氣究竟盡也故智論云聲
 聞智慧力弱如小火燒木雖然猶有炭在緣覺智力方
 強如大小燒木木然炭盡餘有灰在諸佛智力大如
 劫火炭亦俱盡亦如兔馬等喻菩薩佛地名異二乘
 歸灰斷因果是一名義不殊是名同義究竟俱同也
 廣如天台四教疏此上二下結第一二三卽上所引俱
 含意也疏四第八人者俱含二十三賢聖品釋住果

80123456789

100

100

100

極七返偈先問云此預流名爲何義若初得道名爲預流則預流名應目第八若初得果名爲預流則倍離欲全離欲者至道類智應名預流下答意明初得果故名爲預流以超斷者不定初得故俱舍大疏寶公但云若預流名目初得道卽初見道第八人應名預流亦不釋於第八所以離欲等言小疏釋云其苦法忍卽是第八人於八忍中從後疏之爲第八故若義林法師大疏鈔云八人地謂預流向也四向四果從後數之爲第八故婆沙三十六第八聖者謂隨信行及隨法行從勝數爲第八故又更一解與小疏同

探玄引大般若亦初果向同於林公從後數之澤州遠公引古婆沙論詔須陀洹向以爲第八而對見道前七方便故名第八故彼論中問言云何爲第八人所謂信堅及法堅鈍根之人見道名信堅利根之人名法堅釋曰此上全同林公引文而取義逆順爲別俱未見文以義取人遠公理長第八之名所以順故遠公又云外國相傳云更有八人者初發心人而未有行二有相行人憎厭生死樂修善法三無相行人學觀空理破離欣厭見人行惡心無忿怒見人修善亦不欣慶四方便行人雖見法空而常隨有起諸善

撰述

方外傳

卷之十一

再

行此四在於善趣地中五者智種六者性種七者解行八者聖種初依地前未同聖種故非第八第八人者不名凡夫彰異於前云不名凡夫揀異初依名爲菩薩當相以論不名爲佛別異於後釋曰遠公解前順今文後非今意彼釋四依故可用之因便引來以彰異轍今疏正意取初果向而俱舍小疏亦是初向而局苦忍義成大局亦彰異轍非用指南下引智論八人亦初果向通十五心而若約超斷容餘果向疏故智論中有八人地者證前文是初果向案前十地第三八人在於見道無間道故五十九云八人地者

所謂見諦道中信行一法行二須陀洹極六七世生三有須陀洹今世煩惱盡得阿羅漢四有家家須陀洹三世生已入涅槃五有中間須陀洹六除第三餘中間入涅槃七住六住無礙五解脫中者八皆是須陀洹向釋曰此則初果向中有八種人故名八人地非獨第八然此八人望七方便皆是第八二義俱成謂亦名第八亦名八人地也故疏引來證成初向望後第五既是初果此爲初向次第分明若唯取於苦法忍者餘之七忍何以揀之又十四心何以不取又十五心皆未得果論主何獨將苦法忍而爲難辭林

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

公成立爲初果向理則無違而從勝進數亦無所以正義如前疏若約超斷等者此下揀濫正取初果之向不取二三果向以超斷人不定初得故經略無以義合有故復出耳卽俱舍云具修惑斷一至五向初果斷次三向二離八地三向至第十六心隨三向住果名信解見至亦由利鈍別釋曰全疏取意展彼頌文以成長行理皆已六耳上智論文名家家亦俱舍義頌云斷欲三四品三一生家家斷至五二向斷六一來果釋曰初兩句明家家下兩句明向果卽預流者進斷修惑若三緣具轉名家家一由斷修惑三四

品故二由成根德能治彼無漏根故三由受生更受欲界三二生故頌中但說初後二緣不說成根者預流果後進斷修惑諸無漏根理必合有義準已成故頌不說言斷三四品受三二生者若斷三品名受三生若斷四品名受二生謂九品惑能潤七生且上上品能潤兩生上中上中各潤一生中中中下合潤一生下三品惑共潤一生旣上三品能潤四生故斷上三品四生便損名受三生旣言中上亦潤一生故斷中上品惑復損一生兼上損四都損五生受二生也問何故無斷一品二品五品名家家耶答必無

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

卷第廿五

三

四

二

有斷一品二品不斷三品中間死生無有斷五品不斷六品而有死生謂由聖者得初果已斷欲修惑起大加行必無未斷一大品三品名
大品也一有死生故故斷

大品也

一品二品必斷三品也斷第五品不斷第六品者謂第六品證一來果以無一品能障得果故斷五品必斷第六餘如彼說所以引此文者卽下一來不還斷惑多少皆要此故疏五初果等者卽前共十地中見地也然俱舍等以第十六心先已見理不明見道見道要須未見今見故今道已先見乃重慮修行故名修道智度論意至第十六是解脫道斷惑方終見諦

始圓故名見地疏釋衆結斷乃有二意先總後別總有三正三隨者三正卽涅槃經謂身見戒取疑俱舍說斷其六故加三隨邊見隨身見執斷常者必依身故見取隨戒取非因計因必計勝故邪見隨疑惑無之心斷善根故亦可下二別明八十八使前俱舍中共引頌云苦下具一切集滅離三見道除於二見上界不行恚故欲苦有十集滅各七爲十四道下有八成三十二上二界四諦各除一嗔故兩界各二十八故成八十八此見所斷若語修道欲界斷四謂六根本除見及疑但有貪嗔癡慢上二界各唯除嗔二界

撰述

弘曆御覽卷之三

三

三

三

三

三

各三故有六合欲之四共成十使卽三果已後斷之復合前名九十八使更加十纏爲一百八煩惱疏由見諦斷無明漏者無名漏亦名無明流四流之一疏六一來果者更一往天上一來生欲界故而知無往來者卽般若意金剛十八住處中第五勝中無慢住處經從須菩提於意云何須陀洹能作是念我得須陀洹果不下是意明小乘四果尚得離慢豈況菩薩求大菩提於初迴向不離慢哉故判此文是十迴向初救護衆生離衆生相迴向言離慢者是離我慢文中四果皆有三段此初果中上卽如來反問二須菩提言不也世尊此卽答也意明無念三解所以者經云何以故須陀洹名爲入流而無所入不入色聲香味觸法是名須陀洹釋曰意云須陀洹梵語此云流入聖流故謂至第十六道類智心卽入聖流所以入聖流者由了第一義諦無所入故則不起心念言我入流若有念慮言我入流不契諦理則不入聖流而此無念無入卽無漏聖智故不入於六塵之境故上疏云由見諦理斷無明名生無漏一一來果經云須菩提於意云何斯陀含能作是念我得斯陀含名不_問也須菩提言不也世尊_{答云}下何以故斯陀含名

80 1 2 3 4 5 6 7 8 9 100 1 2 3 4 5 6 7 8 9 100

一往來而實無往來是名斯陀含釋曰斷六品惑解脫道中契於諦理更不生於一往來念若有心念卽有我慢豈得聖果故今疏云知無往來三不還果經云須菩提於意云何阿那含能作是念我得阿那含果不須菩提言不也世尊何以故阿那含名爲不來而實無來是名阿那含釋曰大意同前亦無心念斷五順下分結名爲不還疏乃至八地惑皆斷者非但斷欲修惑更進斷四禪三空并前欲界故云八地當處不還以非想惑皆斷盡者成阿羅漢故八地則已該於三界故云不樂三界上之二界猶不愛樂故云

而實無來四無學果經云須菩提於意云何阿羅漢能作是念我得阿羅漢道不須菩提言不也世尊實無有法名阿羅漢世尊若阿羅漢作是念我得阿羅漢道則爲著我人衆生壽者釋曰阿羅漢斷五上分結總說所斷之惑有八十九種若見所斷總有八品卽上下八諦若修所斷三界九地地地有九成八十一品亦證八十九品無爲爲應果體言應果者應受人天一切供養若有心念不契無爲卽是我慢著我人等由無心念故名應果故實無有法名阿羅漢今經略無無念之義八無學下辨羅漢法六通等義前

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

後已具今取前後曾未說者卽入解脫略示名相俱舍頌云解脫有八種前三無貪性二二一一定四無色定善滅受想解脫微微無間生由自地淨心及下無漏出三境欲可見四境類品道自上苦集滅非擇滅虛空釋曰初句總標次兩句別名前三解脫第四句別明次四解脫第二行頌明第八解脫後一頌總明所緣言解脫有八種者一內有色觀外色解脫謂於內身有色想貪爲除貪觀外不淨青瘀等色今貪不起故名解脫第二內無色想觀外色解脫謂於內身無色想貪雖已除貪爲堅牢故觀外不淨青瘀等色令貪不起名爲解脫第三淨解脫身作證具足住謂觀淨色令貪不起名淨解脫觀淨色者顯觀轉勝此淨解脫身中證得名身作證具足圓滿得住此定名具足住四無色定爲次四解脫四解脫各能棄背上地貪故名爲解脫後第八滅受想定解脫身作證具足住棄背受等名爲解脫依婆沙論此言解脫者謂棄背義前三無貪性者初三解脫無貪爲體近治貪故三中初二不淨相轉作青瘀等諸行相故第三解脫清淨轉作光鮮行相轉故此三助伴皆五蘊爲性二二一一定者上二卽初二解脫下二卽初二禪

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

以初二解脫依初二禪起故云一二一定者上一謂第三解脫唯依第四禪起云一一定也以第四禪離八災患慧心澄淨故有淨解脫四無色定善者四無色定解脫以善定爲體非無記染非解脫故亦非散善性微劣故無散善者如命終心也滅受想解脫微微無間生者滅受想解脫也有解狀背受想有解背一切有所緣心有云解脫定障故名解脫微微心後此定現前入滅定心總有三種一者想心二者微細心三者微微心對前心已名微細此更微細故名微微從微微心入滅盡定由自地淨心及下無漏出者明出滅定心也出滅定心或有頂淨心或起下無所有處無漏心如是入心唯有漏通從有漏無漏心出三境欲可見者初三解脫唯以欲界色處爲境有差別者初二境可憎第三境可愛四境類品道自上苦集滅者四無色解脫各緣自地上地苦集滅諦及緣九地類智品道爲所緣境非擇滅虛空者無色解脫亦緣自地上地苦諦集諦上非擇滅及緣九地類智品上非擇滅及虛空爲所緣境問第三靜慮寧無解脫答第三定中無眼識所引欲色貪故自地妙樂所動亂故無解脫問行者何緣修淨解脫答爲

80123456789

90123456789

100123456789

欲令忻故修淨解脫前不淨觀令心沉感令修淨觀策發令忻或爲審知自堪能故謂前所修不淨解脫爲成不成若觀淨相煩惱不起彼方成故問何故經中第三第八解脫得身證名非餘六耶答以八中此二勝故二界邊故得身證名第三解脫唯取淨想令惑不起名爲殊勝第八解脫以無心故爲殊勝第三解脫在色界邊第八解脫在無色邊疏文對會可知言餘義已見上文者謂六通卽三地及十通品說九定卽此品滅定亦如六七地辨廣如九地諸論卽瑜伽智論唯識等說然薩遮尼捷子經第五亦廣說六

通等

大方廣佛華嚴經隨疏演義鈔卷第八十二

音釋

碑郎狄切脾頻彌切腎時軫切肺放咲切肝居寒
藏土藏也也水藏也肺金藏也肝切木
也小石也矚朱欲切忤五故切瘧依據

吳江黃沙灘公堂貴糧刻此
大方廣佛華嚴經隨疏演義鈔卷第八十二
計字一萬零九百四十箇該銀五兩四錢七
分龍山釋海瓊對
崇禎五年孟春月徑山化城寺識

撰述

大方廣佛華嚴經隨疏演義鈔卷第八十三

三

九故二

曲題釋也

支半

王火

大

小

也

未過也

支半

王火

大

小

也

小半也

支半

王火

大

小

也

說也

支半

王火

大

小

也

說也

支半

王火

大

小

也

說也

支半

王火

大

小

也

大方廣佛華嚴經隨疏演義鈔卷第八十三

唐清涼山大華嚴寺沙門

澄觀述

疏今初十魔下分二 總釋爲魔之義二然四魔下對四辯異二若欲下與四相攝疏二有十魔下分二先總釋業相二十中下釋文疏二於蔽度下釋第一句分一一總釋文意一夫真道者下立理於中有二先約智說則蔽度兩亡後又悲化惡故下約大悲說先正明後況惡爲善資下卽借老子意釋成上義卽道經無轍跡章結文彼章具云善行無轍跡善言無瑕謫善計不用籌策善閉無關鍵而不可開善結無

撰述

繩約而不可解釋曰意云無心於此五何有轍跡等耶次云是以聖人常善救人而無棄人常善救物故無棄物是謂襲明釋曰心無所係無可無不可何所貴其師不愛其資雖知大迷是爲要妙釋曰此有二意一約密意謂雖師法善人資取惡人而不貴不愛師資兩亡以爲玄德凡俗雖知而大迷於道謂之要妙二約顯意善者所法惡是我資而不貴愛則雖知善惡乃是大迷善惡皆善是謂要妙則順上文無棄人物今疏用此故令化惡也密角曰襲疏今初卽是

果現下疏文有六一會同前文二釋見義三隨文釋四總結圓融五攝之成對六總顯包含今初此中所見卽前十佛者卽十信末五十三經然探玄記引法集經菩薩入十種法能知諸佛何等爲十所謂集氣佛果報佛三昧佛願佛心佛實佛同佛化佛供養佛形像佛乃至廣說若欲會者集氣卽義當隨樂佛其本集而欲見故果報卽業報佛次三全同實佛義當法界同佛卽本性本性同故化卽涅槃供義卽正覺形像卽住持二然此中明見下釋見佛義於中亦三初正明二若菩薩下反顯三亦不得下遮救恐有救

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

大智度論卷第十一

二

三

云半就能見如無着佛等半就所見如出生等豈不通耶故今遮云不得半就能所令人致惑取解無由故十種見義成雜亂故疏一無着者下三釋文釋此一句疏文有二一正釋正覺標其所見無着卽正覺之相二又邪慧下則正覺無着二義不同所見能見名須具二今所見有正覺德圓略無邪慧而不離能見則有無邪智而不離略無正德而不圓故令佛中影取無著能見之中影取正覺是故疏云佛見影略三此卽下結成總別疏二乘願出生中文云下引證卽華藏品言又乘此願下上約生身此約生德疏故

下善財等者引證卽七十七經善財修觀此約真身又云一切化佛從敬心起明知敬屬於機能見化身信屬於佛因信成果疏亦能令見者信者上約真身信自屬佛全就真身信亦屬機以相好莊嚴顯由此成故令物信疏四隨順衆生等者卽論中意又隨順衆生以圓音下卽海東意談玄之中已顯不違正理故雙出之疏深入涅槃故能示滅者得無住涅槃能建大事言深入生死則示滅非真者悟生死性卽性淨涅槃故知示滅非真滅也稱性常在故六法身者初以如智契合具德法身故云滿於法界法界是所

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

卷之三

三

三

滿故下約法性身云爲佛體疏七湛然安住者釋安
住見真唯識性卽是心佛疏八寂然無依釋見一義
次以無依釋三昧佛後觸類下釋無量義疏九平等
亦二義釋先能所合明後本覺下唯就理說疏十隨
自他意下卽意生身然有三義一如意速疾二隨自
意成三隨他意樂今用後二釋隨樂言隨自所樂普
受法身隨他所樂欲受何類疏依上十見下四六相
圓融總卽一佛別分爲十同帶於佛異則正覺相好
等差成則攬十共成真佛之義壞則十身各住自性
疏又此十種下第五束之成對疏又此十見各有十

義下第六結成包含卽海東意海東順於晉經名有
數異故今取義亦有小殊今直就此經相應引證一
正覺佛無著見者有十無著卽此品云所謂於一切
世間無著於一切衆生無著於一切法無著於一切
所作無著於一切善根無著於一切生處無著於一
切願無著於一切行無著於一切菩薩無著於一切
佛無著此十雖因徹於果位一切無著而不思議品
十種離果清淨亦果無著第二願佛出生見亦有十
種出生不思議品云諸佛世尊有十種念念出生智
何等爲十所謂一切諸佛於一念中悉能示現無量

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

世界從天來下二菩薩受生三出家學道四菩提樹
 下成等正覺五轉妙法輪六教化衆生供養諸佛七
 不可言說種種佛身八種種莊嚴無數莊嚴如來自
 在一切智藏九無量無數清淨衆生十三世諸佛種
 種根性種種精進種種行解於三世中成等正覺釋
 曰其一二等數經文所無句句皆如初句有一切諸
 佛至世界之言即是從後得智願生八相等三業報
 佛深信見若約莊嚴應如不思議品十種最勝無上
 莊嚴今取因行則不思議品果中所無即如十藏品
 云信一切法無相信一切法無願信一切法無作信

一切法無分別信一切法無所依信一切法不可量
 信一切法無有上信一切法難超越信一切法無生
 釋曰以此爲因成果也亦可如十地中十種信四住
 持佛隨順見者若約隨順衆生住持佛法卽十種爲
 衆生作佛事不思議品云諸佛世尊有十種爲衆生
 作佛事何等爲十一者所謂一切諸佛示現色身爲
 衆生作佛事一出妙音聲二有所受四無所受五以
 地水火風六神力自在示現一切所緣境界七種種
 名號八以佛刹境界九嚴淨佛刹十寂寘無言釋曰
 句上皆有一切諸佛句下皆有作佛事言一如初句

撰述

五

再二

寂寂無言卽自身舍利住持自在若約圓音住持卽
如下文如來應正等覺轉法輪時以一事故於衆生
心中種白淨法無空過者卽隨順義何等爲十所謂
過去願力故大悲所持故不捨衆生故智慧自在故
隨其所樂爲說法故必應其時未曾失故隨其所宜
無妄說故其身最勝無與等故言辭自在無能治故
智慧自在隨所發言悉開悟故是爲十五涅槃佛深
入見者卽出現品云欲知如來大涅槃者當應了知
根本自性釋曰了知卽是深入義也經云如真如涅
槃如來涅槃亦如是二實際三法界四虛空五法性

六離欲際七無相際八我性際九一切法性際十真
如際釋曰具足皆如初句如是了知名爲深入六法
界佛普至見者若直約法界說如至一切處廻向云
譬如實際無處不至至一切物至一切世間至一切
衆生至一切國土至一切法至一切虛空至一切三
世至一切有爲無爲至一切語言音聲然今但有九
有爲無爲應分爲二若就佛上明遍至者卽不思議
法品云佛子諸佛世尊有十種法普遍法界何等爲
十所謂一切諸佛有無邊際身色相清淨普入諸趣
而無染著二無障礙眼於一切法悉能明見三無礙

支那

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

大藏經 卷之三

六

卷之三

耳悉能解了一切音聲四鼻能到諸佛自在彼岸五
有廣長舌出妙音聲周遍法界六身應衆生心咸令
得見七意住於無礙平等法身八無礙解脫示現無
盡大神通力九清淨世界隨衆生樂現衆佛土種種
莊嚴而於其中不生染著十菩薩行願得圓滿智遊
戲自在悉能通達一切佛法釋曰十句之中皆如初
句有一切諸佛有無邊際言舌中有廣長故關無邊
際語七心佛安住見者不思議品云諸佛世尊有十
種無量住所謂常住大悲住種種身作諸佛事住平
等意轉淨法輪住四辯才說無量法住不思議一切

佛法住清淨音遍無量土住不可說甚深法界現一
切最勝神通住能開示無有障礙究竟之法釋曰此
是佛心之所住也經唯九句應開淨音遍無量土爲
二八三昧佛無量無依見者不思議品云諸佛世尊
有十種無量不可思議佛三昧何等爲十所謂一切
諸佛恒在正定於一念中遍一切處普爲衆生廣說
妙法二普爲衆生說無我際三普入三世四普入十
方廣大佛刹五普現無量種種佛身六隨諸衆生種
種心解現身語意七說一切法離欲眞際八演說一
切緣起自性九示現無量世出世間廣大莊嚴令諸

撰述

衆生常得見佛十令諸衆生悉得通達一切佛法無量解脫究竟到於無上彼岸釋曰具足皆如初句有一切諸佛恒在正定於一念中遍一切處之言雖有此無量而心無所依九本性佛明了見明了即是智身故四十七云諸佛世尊有十種知一切法盡無有餘何等爲十所謂一知過去一切法盡無有餘二知未來一切法三知現在一切法四知一切語言法五知一切衆生心六知一切菩薩善根上中下種種分位七知一切佛圓滿智及諸善根不增不減八知一切法皆從緣起九知一切世界種十知一切法界中

如因陀羅網諸差別事釋曰十句皆有盡無有餘之言十隨樂佛普受見者普能受領隨樂現故卽四十六諸佛世尊於一切世界一切時有十種佛事何等爲十一者若有衆生專心憶念則現其前二者若有衆生心不調順則爲說法三者若有衆生能生淨信必令獲得無量善根四者若有衆生能入法位悉能現證無不了知五者教化衆生無有疲厭六者遊諸佛刹往來無礙七者大悲不捨一切衆生八者現變化身恒不斷絕九者神通自在未曾休息十者安住法界能遍觀察是爲十釋曰斯則普隨衆生之所受

也疏又如瑜伽九十下重釋淨戒先舉所治後亦有五相下舉其能治此五亦可對前五唯三四不次一由佛許還淨故不自責二由滅無知不懼天所訶三已生無犯之意不懼惡名四於同行悔不懼同行之責五佛許悔除故不懼惡道而其實義此五通能治於前五疏俱舍十九云一慢等者然文具有疏引彼論以釋今經恐不知主客今重具引俱舍云慢七九從三皆通見修斷瑜伽雜集大同俱舍今依俱舍疏中三一依俱舍列名二今文下對文開合三前三卽慢下釋文先別釋初三於中二意初標次故彼論下

全引論文正釋慢義初一輕人下別釋三句疏四自高下釋過慢從是於他下全是論文五中先指同會釋二有德下將經就論文具云於他勝謂已勝名慢過慢慢他過故六邪慢論具云於實無德中謂已有德名邪慢上皆論文下卽論釋從自起誹謗下疏牒今經會通論文七卑慢中疏以經就論卽自求高座下是論具足云於多分勝謂已少劣名爲卑慢餘皆疏釋八亦邪慢者卽見有德人下是也嘵感麤獷卽是惡行此卽將前論中成就惡行收之九言我慢所吞故者以經釋成知是我慢若論具云執我我所令

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

心高舉名爲我慢恃我起故釋曰疏以易故不引論釋十卽增上慢下疏中先以經會論後其但以下隨難重釋前中具足論云未得謂得名憎上慢瑜伽云已無實德謂已有德雜集云謂於未得上勝證法計已已得上勝證法疏會釋論文易可知上論偈云慢七九從三者卽是九慢從前七慢三慢而生言九慢者發智論云一我勝慢類二我等慢類三我劣慢類四有勝我慢類五有等我慢類六有劣我慢類七無勝我慢類八無等我慢類九無劣我慢類言從三者一慢二過慢三卑慢初三中一我勝慢類從前過慢出二我等慢類從前慢出三我劣慢類從卑慢出四五六三如次從卑慢及慢并過慢出七八九三如次從慢過慢卑慢中出釋曰然上九慢既從三生則成三三皆有別相論更不釋細詳可見但有難云問於多分勝謂已劣卑慢可成有高處故無劣我慢高處是何答謂自愛樂勝有情聚反顧己身雖知極劣而自尊重得成無劣我慢類也言皆通見修斷者七九同故云皆通也緣見所斷起者名見所斷緣事起者名修所斷疏若約八慢等者卽刊定意涅槃成實者皆有八慢天台智者引文殊問經釋法華八鳥明八

80 1 2 3 4 5 6 7 8 9 10 1 2 3 4 5 6 7 8 9 10

撰述

大藏經卷之三

三

三

三

三

三

三

慢謂一盛壯慢如鵠二性慢如梟三富慢如鵬四自在慢如鷺五壽命慢如烏六聰明慢如鵠七行善慢如鳩八色慢如鵠五十九經疏諸經論中多用初緣者謂今此菩薩自然化生等智論皆然探玄記有問云據此經兜率命終卽入胎等何故梁攝論明化身二十年在中陰真諦三藏金光明疏中釋云有小乘別部云聽待父母受生竟故二十年在中陰釋曰此乃機見不同故言二十年等多小劣見疏五乘願化生者明非沒生也疏誰能於佛恃種族者瑞應經云從劫初已來代代相承作轉輪聖王近來四代雖不作轉

輪聖王而作人中之王明是萬代金輪之種故種族無上疏說智慧藏爲胎藏者顯智德生佛以離垢藏卽是斷德以法界藏卽五藏之一正是法身八卽般若九卽解脫乃用三德爲胎藏耳故下疏合爲能所證智之與斷皆能證也疏十方各行七步者卽涅槃第四如來性品云善男子此間浮提林微尼園示現從母摩耶而生生已卽能東行七步唱如是言我於人天阿修羅中最尊最上父母人天見以驚喜生希有心而諸人等謂是嬰兒而我此身無量劫來久離染法如是身者卽是法身非是肉血筋脈骨髓之所

80123456789 90123456789 100123456789

成立隨順世間衆生法故示爲嬰兒南行七步示現欲爲無量衆生作上福田西行七步示現生盡永斷老死是最後身北行七步示現已度諸有生死東行七步示爲衆生而作導首四維七步示現斷滅種種煩惱四魔種性成於如來應供正遍知上行七步示現不爲不淨之物而所染汙猶如虛空下行七步示現法雨滅地獄火令彼衆生受安隱樂毀禁戒者示作霜雹疏顯自在奇特下總顯大意疏如瞿波者七十五中廣說因起疏三一言罵佛六載受饑緣如大乘方便經第二者經有三卷亦編入寶積部中當第

一百六十八此卽當一百七經先總云善男子汝今善聽以何因緣菩薩苦行六年善男子非是菩薩宿業餘報受此苦也欲令衆生於一切惡業報中生厭患心歸向菩提釋曰下經文廣今當略引復次善男子昔迦葉佛時有婆羅門子名樹提有親友五人久近惡友失菩提心奉事外道不能信解佛語佛法彼師自言我是世尊樹提欲引五人轉其邪心至瓦師所作如是言我不欲見禿頭道人何有禿人能得菩提道菩提之道甚深難得後經少時與彼五人在一屏處瓦師往彼讚佛功德令往見佛樹提思惟五人

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

按述

根生我若讚佛必彼生疑自護本願故般若波羅蜜報行方便故作如是言我不欲見禿頭道人何有禿人能得菩提菩提之道甚深難得云般若波羅報者菩薩行般若波羅蜜無有菩提想無有佛想不見佛菩提不於内外中間見菩提知菩提空故行於方便作如是語後於一時與五人在河水邊瓦師承佛神力卽至其所讚佛難遇固不肯去瓦師遂捉其髮牽至彼所五人隨往彼之國法執人髮者罪應至死時人見之皆言佛有何德乃令瓦師忘死引之旣至佛所五人禮敬發心呵責樹提又聞佛德辯才發菩提

心爲說菩薩藏不退轉陀羅尼金剛句無生法忍五人得無生忍釋曰是知菩薩爲化五人般若觀空而發於言卽大乘方便豈有報耶疏四五濁衆生皆有重罪至亦如彼說者卽其後經云復次菩薩爾時爲化五人示自業報使餘若知不知苦樂報者念言一言誹謗迦葉佛而彼菩薩得解脫況我不知而作惡言是故我今當自悔除一切過業更不得作釋曰然化五人言義明顯不六年之意事猶未顯恐是五人兼已爲六耳彼五人似當五俱輪經文又云爲伏諸外道日食一麻一麥故又爲化五千二百麤行諸天

支那

撰述

大藏經

卷三

出三

及外神仙麤行菩薩是名菩薩摩訶薩行於方便疏
 皆言示者久已降故者卽涅槃第二佛許受純陀之
 供云純陀施食有二果報無差何等爲二一者受已
 得阿耨多羅三藐三菩提二者受已入於涅槃純陀
 不受此言廣難如來謂二女先施是雜食身非金剛
 身常身法身等豈得言同佛答云爾時破壞四魔今
 入涅槃亦破四魔是故我言亦施果報等無差別未
 後云如來之身已於無量阿僧祇劫不受飲食釋曰
 此身不受飲食則顯此身久已降魔疏魔王多是大
 菩薩者卽淨名經當第二卷不思議品因說室句廣

坐皆不思議解脫之力方便廣說不思議事迦葉悲
 歎竟爾時維摩詰語大迦葉言仁者十方無量阿僧
 狪世界中作魔王者多是住不可思議解脫菩薩以
 方便力教化衆生現作魔王卽其文也疏無有惡魔
 下亦大乘方便經意下指經文具足經云菩薩坐菩
 提樹下使惡魔波旬至菩提樹下不欲令菩薩成就
 阿耨多羅三藐三菩提善男子魔本不能至菩提樹
 下若我不召而能來者無有是處善男子爾時菩薩
 坐菩提樹下如是思惟於四天下誰最尊第一此四
 天下今爲屬誰菩薩卽知惡魔波旬欲界最尊今我

80 1 2 3 4 5 6 7 8 9 10 1 2 3 4 5 6 7 8 9 10

[挾述]

十四

再三

與魔共鬪魔若不如一切欲界所有衆生悉皆不如爾時諸天人衆和合而來到菩提樹下到已必發清淨信心下取意引魔衆天衆八部見菩薩遊戲發菩提心盡得解脫故疏云勝降餘伏疏一示德諍者小人力諍故二破魔佛誰愈者愈猶勝也經文自顯亦方便經意第三緣卽彼經次文云善男子菩薩如是思惟已放眉間白毫相光能令波旬宮殿黑暗爾時三千大千世界以光明照故普令大明此光明中出如是聲彼釋種子出家學道今當成阿耨多羅三藐三菩提過魔境界勝出魔衆減損當來一切魔衆今

彼菩薩與魔共戰善男子爾時波旬聞是聲已心大憂愁如箭入心時魔波旬嚴四種兵滿三十六由旬欲爲留難菩薩爾時住大慈悲及大智慧以智慧金色之手而以指地一切魔衆尋卽散壞魔衆壞已八萬四千億天龍鬼神乾闥婆阿修羅迦樓羅緊那羅魔睺羅伽拘槃茶如是大衆見菩薩威德身體殊妙名菩薩摩訶薩行於方便釋曰疏但義引耳疏及本行集者大意則同但文廣耳故彼經意諸天本見魔王自在將謂勝佛故決彼疑令知佛勝七一被者亦

撰述

大正四年九月五日印行

卷之三

涅槃經云爾時欲界主魔王波旬與其眷屬諸天采女無量無邊阿僧祇衆開地獄門施清淨水因而告曰汝等今者無所能爲唯當專念如來應正遍知建立最後隨喜供養令汝等長夜中獲安隱樂時魔波旬卽於地獄息諸刀劍等次云持諸供具勝過一切人天所設其益小者覆中千界來至佛所稽首佛足白佛言我等今者愛樂大乘守護大乘世尊若有善男子善女人爲供養故爲怖畏故爲誑他故爲財利故爲隨他故受是大乘或真或僞我等爾時當爲是人除滅怖畏說如是呪喚枳咤咤羅喚枳盧訶隸摩訶盧訶隸訶嚩多囉莎訶釋曰此卽翻護法文也疏小乘以眼智明覺繫於四諦等者已見出現法輪章中疏次四智具卽四悉檀者問明已廣卽智論第一論別有解釋總名悉檀者諸三藏譯皆云義宗具云悉檀多有云遍施乃意釋耳疏第十涅槃下初總明後初二下別釋此中卽用涅槃第二經因三修比丘歎無常等以爲上想佛廣訶之後爲正說云汝等若言我亦修習無常苦無我想是三種修無有實義我今當說勝三修法苦者計樂樂者計苦是顛倒法無常計常常計無常是顛倒法無我計我我計無

撰述

大方廣佛華嚴經疏卷之三

七

三

我是顛倒法不淨計淨淨計不淨是顛倒法如是等四顛倒法是人不知正修諸法汝諸比丘於苦法中生於樂想於無常中生於常想於無我中生於我想於不淨中生於淨想世間亦有常樂我淨出世亦有常樂我淨世間法者有字無義出世法者有字有義何以故世間之法有四顛倒故不知義所以者何有想倒心倒見倒以三倒故世間之人樂中見苦常見無常我見無我淨見不淨是名顛倒以顛倒故世間知字而不知義何等爲義無我者名爲生死我者名爲如來無常者聲聞緣覺常者如來法身苦者一切

外道樂者即是涅槃不淨者卽有爲法淨者諸佛菩薩所有正法是名不顛倒以不倒故知字知義若欲遠離四顛倒者應知如是常樂我淨釋曰上具引經者以此十句多分用故三明涅槃是樂者翻上無樂卽是第二言以涅槃下出得樂名所以四翻色身無常者文中三初正釋卽上涅槃云常者如來法身二故晉經下引證成是常義以今經文闕常字故恐人誤謂此顯淨德故次引證三以法身下釋成法身徧得常名之所以也兼顯此用法身之言以是三德大涅槃故今已出下顯與涅槃經小異之相疏次三

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

明生死無我者卽上經云無我者所謂生死疏八明
涅槃是堅卽自在者涅槃二十七云我者謂大涅
槃上第二云我者卽是如來自約別義至下當釋今
明涅槃故說涅槃爲我義耳言亦兼常義者以有堅
牢言故然常已配法身故此屬我疏九翻有爲等者
疏文有三初正釋卽上涅槃云淨者諸佛菩薩正法
無生無起般若體故亦名正法遠公云正法偏名淨
者以治障故彼約三寶之中法寶說之二然是下正
顯今經淨法之體性淨涅槃三德本具不由治淨隨
緣生死卽經云而有聚集散壞卽相之性卽無生無

起如是方是涅槃正法以約涅槃說於淨德不同涅
槃第二別約正法三涅槃第二下會通涅槃第二涅
槃就於義如來爲我今說涅槃故不同彼疏然常等
四德下二正釋上文與涅槃不同之由涅槃二十七
云空者所謂生死不空者謂大涅槃無常者所謂生
死常者謂大涅槃無我者所謂生死我者謂大涅槃
苦者所謂生死樂者謂大涅槃等卽具四德則如來
正法亦具四德言從其別義各顯不同者卽涅槃第
二意也遠公亦云常樂我淨理實遍一切佛法然
今隱顯我偏就人餘三就法我是佛者自在名我自

在之用在於佛人故說爲我復我者人之別稱故就佛人而說其我常法身者佛體顯本法成性出自古體無變易順常義顯故說爲常樂云涅槃者涅槃是滅滅離衆苦寂滅義顯故說爲樂淨是法者謂三寶中法寶之體能治超勝故說爲淨釋曰上來疏中多已用之就義穩便小有改易疏上以四榮下結成破倒廣如四地略如上引涅槃之文偈中疏菩薩迦樓羅下其中第五偈云菩薩智光月等者論經云菩薩清涼月遊於畢竟空乘光照三界心法無不現餘可知

入法界品第三十九疏初來意等者分來品來二意先約四分以明來意後亦遠答下就前總別以明來意九會共答十海問故疏會品下此中亦合有三來意然離世間雖亦一會一分一品而其所對分會品差有三來意此中前無分會品別對故但爲一疏三品名者疏文有三初總明二得名三釋名疏然法含持軌下第二得名先釋法後界有下釋界於中二二約理法界二雙約事理法界前中言梁論十五者彼本論云復次諸佛法界恒時應具有五業釋論云此中明法身業而言諸佛法界者欲顯法身含法界五

一 挽述

大藏書影卷之三

三

三

義等餘同疏論下結云由法身舍法界五義諸菩薩應見法身恒與五業相應無時暫離其五業謂除有情災患業等上文引竟然正是此下論文若世親論無此五義但說五業耳五義可知疏復有持義下第二雙約事理釋法界於中先標三義後然持曲有三下別釋持義及以法持自體義餘二可知疏於中下三釋名然直語一法則無六釋故會六釋唯釋界字於前五中除前二兼於後三故有六義皆唯持業從心境合目下卽通品名會六釋耳疏第三宗趣其無始時來界已見問明疏及五種色并八無爲者五種色卽雜集第一云法界處所攝色者略有五種謂極略色極迥色受所引色遍計所起色定自在所生色極略色者謂極微色極迥色者謂離餘礙觸色受所引色者謂無表色遍計所起色者謂影像色定自在所生色者謂解脫靜慮所行境色前釋迥色云謂離餘礙觸方所可得又釋空一顯色云謂上所見青等顯色就此二色析至極少名極迥色餘之色義已見上文言八無爲者已見十藏謂六中開真如爲三性故其無礙門亦見問明不合不散卽不一不異義也疏二無寄門者然形奪要二相假無寄則當法自離

撰述

大方廣佛華嚴經卷第十一

三

三

故不同也相及俗諦皆有爲性及真諦皆無爲言非二名言所能至者言語道斷故表義名言不能至也心行處滅故顯境名言所不能至從解深密下引證俱非疏一普攝門者謂不壞前四門之相而爲一致故故引善財隨事差別皆入法界後圓融門總舉一門卽融諸門然以理融事令事如理以事顯理令理如事故云理非無分謂理卽事事旣有分理亦有分不爾真理不卽事故理旣如事隨舉一法卽一法界若舉多法卽多法界然由一非一故下復融上一異一若定一不能卽諸以一卽理故卽非一以非一故

能卽諸也以非一故與諸不異下句翻此準事顯理旣互相卽則涉入重重方成無障礙義引善財證暫時執手明時圓融纔入樓閣明處圓融疏上來五門下總結圓融總卽法界別有五種同則十門皆同法界異則有爲與無爲等相望有差成則五義共成法界壞則有爲自住有爲餘四亦爾疏二明能入下先別列五門後此五下對前料揀言如其次第各是一門者一有爲法界本有種子差別之法但在明信二無爲之理性淨妙德皆須明解三亦有爲亦無爲法界事理有異必須雙行四非有爲非無爲界雙遣玄

支那

大方廣佛華嚴經卷第十一

三

三

寂唯證方契五無障礙非滿不窮顯義多門爲此別配取義圓備互遍方周若無信心安能見理況無障礙無信安窮疏第二法界類別者上來雖有五界通該諸法今於總法開從別類然類開五門五門各五初一文顯後二文隱疏五無障礙法界者此中亦有五義一前四融爲一味二四相歷然故云一異無障礙三一異雙存四一異互奪雙泯絕故云存亡不礙五自在圓融謂欲一則一欲異則異欲存卽存欲泯便泯異不礙一泯不礙存方爲自在常一常異常存常泯名爲圓融疏此五能所如次及通可以意得者

通則隨一能入遍入五所入隨一所入皆用五能斯爲正意言如次者一身入法法界二智入人法界三身智俱存入無二法界四身智俱泯入人法俱泯法界五人法圓融入無障礙法界此爲第三能所渾融無二中之五句也疏四能所圓融形奪俱泯者此亦有五一以所奪能唯法界二以能奪所唯能入三能所俱存四能所俱泯五此四圓融無有前後疏五一異存亡無礙具足者亦有五句一能所一味二能所歷然三一異雙存四一異雙泯五上之四句無礙具足故令如理思之

撰述

大方廣佛華嚴經隨疏演義鈔卷第八十二

三

三

大方廣佛華嚴經隨疏演義鈔卷第八十二

音釋

鍵

巨展切戶鑰

牡日鑰

廣惡也

筋骨絡也

棹

諸氏咤

切

咷駕

吳江黃沙灘公堂貲糧刻此

大方廣佛華嚴經隨疏演義鈔卷第八十三

計字八千六百八十一箇

該銀四兩三錢四

分五厘

龍山釋海瓊對

崇禎五年孟夏月徑山化城寺識

吳江黃沙灘公堂貲糧刻此

大方廣佛華嚴經隨疏演義鈔卷第八十四

大方廣佛華嚴經隨疏演義鈔卷第八十四

唐清涼山大華嚴寺沙門

澄觀述

疏第三約位明入法界者標也於中有三初約所入有因有果次明能入唯漸與頓後因果既其無礙下雙結能所疏次正釋文然科二會總有四義從總別圓融下融上四義一總別圓融融第四總別本末無礙融第一本末二會略無第二因果相卽第三漸頓該羅至下未會之初重會釋之從又前卽亡修下通正圓融兼前五對而前四唯對本會故一時併舉後一通對諸會正宗故別明之疏西域記云昔有古老

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

仙人等者卽第六卷然室羅筏卽舍衛國梵音楚夏耳疏多出聰敏博達人物者總相言耳然其此城說有四德一者塵境德六塵之境多美麗故二財物德七寶珍奇無不有故三聖法德三藏聖法無不備故四解脫德人人皆有解脫分善得解脫者實繁廣故具此四德遠聞諸國故人物言爲道相耳亦表此經具此四德一五種法界皆佛境故二七聖財寶無不備故三因果能證皆聖法故四契入法界真解脫故廣說如來解脫海故疏逝多者梵音華言戰勝者卽波斯匿王所生太子太子初生王戰得勝故以爲名

表依善友勝出魔軍及凡小故故上文云以表依人疏給孤獨者梵云須達多者經出太子梵語疏出長者西音舉長者德表具法財能令一切證法界故從長者側金下出雙舉二人之由西域記智度論莊嚴論等皆說祇桓記中其事更廣疏一得現觀者大乘唯識有六現觀一思二信三戒四智諦五智諦邊智諦六究竟現觀十地已辯小乘俱舍有三現觀一見現觀一緣現觀三事現觀今此正當見現觀也義兼後二疏二入正性離生者已見四地無方便慧已見七地若有方便不證實際疏三所學已窮者謂於其

80 1 2 3 4 5 6 7 8 9 90 1 2 3 4 5 6 7 8 9 100

自乘所學之法名爲深入非謂深入甚深法性故引
法華卽三乘同入之法性耳三獸渡河已見入地疏
古人亦將上三等者疏意云見修是前三果今是羅
漢正當無學後必具前理則可通故不言非疏四生
分已盡等者上卽我生已盡若具大悲留惑潤生處
有化物今由闕悲但自速出如摩透圍疏卽逮得已
利者已利卽證涅槃有餘依者名爲有爲無餘依者
卽無爲耳疏六已盡有結者經云離結使縛故以九
結釋經結字亦已見上今略不名一愛結二恚結三
慢四無明五疑六見七取八嫉九慳由此九種數數

現起損惱自他招當苦增偏名爲結十使謂六根本
開見成五此等以爲生死因故名爲有結言現行離
者故法華經論此句卽諸漏已盡論爲現行異後煩
惱是種子故疏八心善解脫等者二種解脫亦見上
文今略解云離定障故名心解脫離性障故名慧解
脫又離無明貪愛等體名慧解脫彼相應心得離縛
故名心解脫由證此二獲得第五有爲無爲二種功
德疏十明非定性者定性二乘非此宗故言信入佛
智者法華第二汝舍利弗信佛語故隨順此經非已
智分此經卽佛惠故疏如來不思議境界經者此是

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

第一列衆之中經云時有他方諸佛爲欲莊嚴毗盧遮那道場衆故示菩薩形來入會坐復有無量百千億菩薩下與疏全同引此明實彰前定迹疏善入無際際者深入無際實際故然皆反上聲聞之德類例可知疏九佛不共德等者發心品菩薩於佛十力中雖未證得亦無疑故疏十一一切種智證信入者證信卽初地已上揀異聲聞未得此信十地皆依佛智海故疏大文第一請分下疏猶葉公好龍者事出莊子葉公姓沈名諸梁故春秋注云葉公子高沈諸梁食采於葉僭以稱公亦有云與楚同姓楚姓芊綿婢切

卽子張見衛君君不全待子張云公之好士猶葉公之好龍葉公好龍井廁之間皆畫其像真龍知其好乃現其庭葉公絕倒不敢視葉公之好好於似龍非好真龍今君好士但好似士非好真士也今聲聞之請法若彼好龍不覩希奇若不識真物也疏以初十句明白體圓著下出所問法爲兩段所由以前三十句內唯初十句是所請法謂佛境等是佛自體圓滿著明故同果海絕言最後十句化用普周者然後三十句請隨機演有二十句是所請法以前十是請說往故偏舉後十化用正合開化故疏故晉本揀擇下

80123456789 90123456789 100123456789

釋上修在思前晉經則聞思修不失次也疏又此十句通有二意等者謂既唯諸佛加等方知明是顯深佛加既知故請佛加而演說也非器難解有器可聞也疏一財等有殊者卽十自在謂一財二命三心四業五生六解七願八通九智十法廣如八地離世間品疏七與初會名義全同者則有二事名異義同有一事此彼互無故有三類第三類中乃有二意後意亦是名異義同疏一因圓果成卽佛海下上總明此下別釋每一句內皆有二意一當句解釋如云因果成卽經云往昔趣求一切智心一切智卽果趣求之

心卽因二云卽佛海者二卽會同初會十海下諸句皆然而當句釋皆躡前起如二云成必演法成必二字躡果成而起餘可思準九卽安立海大文第三三昧分疏今初無方大用下疏文有四一明入定之由二卽以下辯次第三佛自入下辯能入人四不言答者下通妨疏就入因中等者四悲卽因疏又此四悲亦是從佛向機之漸次者依悲之體入悲之門以悲向前爲化生之方便也疏第三正明入定疏文有三初總標二言頓申下釋名三故依古德下釋義二中二先叙昔卽刊定意後然舊經下辯順違於中三初

80123456789 100123456789

明漢梵非類如云修多羅修姤路素怛噦雖則不同聲勢一類其奮迅毗實言勢天隔故二涅槃二十五下引二文證明是此言三但敵對下縱成引梵爲自在義疏故依古德下第三釋義先略後廣略中三初二句結前生後次曠申奮迅下就喻辯相後總相釋下就法辯相疏若別解者下第二廣釋於中二先總明所據後開章正釋前中引於二文欲釋師子今初涅槃師子吼品卽南經二十五若準北經當二十七言廣有喻合者今當具出此是師子吼菩薩請問如來如來對衆稱讚令敬菩薩卽說其德名之由故云

今於我前欲師子吼善男子如師子王自知身力牙齒鋒鋩四足據地安住巖穴振尾出聲若有能具如是諸相當知是則能師子吼釋曰此下卽說爲一事經一時合今先別合師子經云善男子如來正覺智慧牙爪四如意足六波羅蜜滿足之身十力雄猛大悲爲尾安住四禪清淨窟宅釋曰此卽具有喻合師子也疏又離世間品下二引當經言爲身等者等取下經云四諦爲其足正念以爲頸慈眼智慧首頂髻解脫縉勝義空谷中吼法怖羣魔言未必楷定者生下喻合不全依於上二經文又如寶雲經

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

第三亦云善男子復有十法譬如師子何等爲十謂無所畏不畏大衆去終不還能師子吼具足辯才樂處林野在於山窟摧伏大衆具勇猛力善能守護彼廣釋之故此師子與上二經又復不同明知不必楷定喻合但取義便耳疏今會取諸文下第二開章正釋先標二章後今初下別釋但取此中義便故總取諸意會成一說結云如此師子隨一一毛皆稱法界者卽金師子童意如金師子毛毛盡金法界師子何非法界可知疏次言爲十一事下釋第二章於中又二先合十一事而又此中法喻雙辯仍取涅槃之意

以就今經今先具引涅槃之文未見彼文難曉會故彼經喻云真師子王晨朝出穴嚙申欠咷四向顧望發聲振吼爲十一事何等十一爲欲壞實非師子詐作師子故二爲欲試自身力故三爲欲令住處淨故四爲諸師子知處所故五爲羣輩無怖心故六爲眠者得覺悟故七爲一切放逸諸獸不放逸故八爲諸獸來依附故九爲欲調大香象故十爲教告諸子息故十一爲欲莊嚴自眷屬故一切禽獸爲師子吼水性之屬潛沒深淵陸行之類藏伏窟穴飛者墮落諸大香象怖走失糞諸善男子如彼野干雖逐師子

撰述

妙法蓮華經疏卷第十四

七

龍門

至于百年終不能作師子吼也若師子子始滿三年則能哮吼如師子王釋曰此下經合喻先合師子已如上引次合爲十一事云一爲諸衆生而師子吼摧破魔軍二示衆十力三開佛行處四爲諸邪見作歸依所五安撫生死怖畏之衆六覺悟無明睡眠衆生七行惡法者爲作悔心八開示邪見一切衆生令知六師非師子故九破富蘭那等憍慢心故十爲令二乘生悔心故爲教五位諸菩薩等生大力故十一爲令正見四部之衆於彼邪見四部徒衆又生怖畏等從聖行梵行天行窟宅曠申而出爲欲令諸衆生等破憍慢故次咷爲令諸衆生等生善法故四向顧望爲令衆生得四無礙故四足據地爲令衆生具足安住尸波羅蜜故師子吼者名決定說一切衆生悉有佛性如來常住無有變易善男子聲聞緣覺雖復隨逐如來世尊無量百千阿僧祇劫而亦不能作師子吼十住菩薩若能修行是三行處當知是則能師子吼釋曰上兩節引經喻合一段義盡既知彼意今當正合今此疏文分二初合十一事二合隨逐略不合曠申欠咷等以彼經文對觀今疏則主客自分如初摧破詐師子吼故卽是喻文若云摧破魔軍卽是合

般若述

力方佛德華嚴經出淨界金剛經

八

四

文此全同彼故無別義二示衆等者如云示身力故
 卽是彼喻若云示衆十力即是彼合其神力及等力
 卽是今經是彼之例非同彼文此中正明如來入法
 界定現神力故加神力而言等力者十力但明十
 種智力今等力者謂法界力若三昧力若功德力但
 有力義即是身力耳下出所因中即是力相三中彼
 經但以開佛行處合令住處淨此經則以淨法界土
 則法合小異餘七同異可以意得疏又野干下第二
 合隨逐師子可知疏五十七中十奮迅等者經云佛
 子菩薩摩訶薩有十種奮迅何等爲十所謂牛王奮

迅映蔽一切天龍夜叉乾闥婆等諸大衆故象王奮
 迅心善調柔荷負一切諸衆生故龍王奮迅興大法
 蜜雲曜解脫電光震如實義雷降諸根力覺分禪定
 解脫三昧甘露雨故大金翅鳥王奮迅竭貪愛水破
 愚癡鬱搏撮煩惱諸惡毒龍令出生死大苦海故大
 師子王奮迅安住平等大智以爲器杖催伏衆魔及
 外道故此五有喻下但約法六勇健奮迅七大智八
 吒羅尼九辯才十如來奮迅一切智悉成滿等廣如
 彼說疏謂嚴閣顯自體緣起者法界體上緣起萬德
 依此自體有爲無爲中故此三緣起卽光統意謂破

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

大方廣佛華嚴經疏解卷第十四

九

十四

情顯法者約心卽事會真約境疏下之三段兼亦別答前來問中後二十句者上來七方唯通答二十句中前十中一句此下三方通答二十句中三句而上下二方兼別答耳疏九下方毛孔中十句答前九問者以前十中神通一問前七方答竟故據下釋中旣五句答因五問四句答果五問何名答九以神通問重別顯故然則前已廣答故但云九疏此句應顯趣求者以文云出說一切三世菩薩行方便海音聲雲故標云答行以五正答行故此一句義顯趣求一切智心以是行始言修行耳疏然問就如來因中等者

通將此中對問辯異疏其助道下出不答餘因句之相上通答方便更加此助道出離則此下方通答三因別答五因兼上方便又通答二問一本事因緣二所入諸地故具答十因其上方中波羅蜜問義便故重疏別約初句答入一切衆生所住處等者上辯通答因中二句此下別答果中二句前下方有五句問答此有三句并第八問答第十影像及現相答國土故十問具矣疏其答問中或不次者下料揀次第疏又皆言下通釋本事之言此約法性宗釋文中有三初正釋以法性常住相卽性故相亦常矣此卽與體

80 1 2 3 4 5 6 7 8 9 100 1 2 3 4 5 6 7 8 9 100

非異不壞三世與體非一性相本爾卽德相門隨其令見卽業用門故雙結二皆得自在凡但理然不得德相成業用耳二故密嚴下引證先證業用後乃至云淨所依止者證德相門三若理事別修下揀異他宗現法體用俱有等卽大乘義況於小乘卽有宗義以彼過未有體無用者出異所以有宗過去冥伏有未來性有故有體也不同現法事有故無用也今以體性融故體用俱有斯卽有卽非有非有之有耳疏亦名三種三業者一名近佛三業二攝化三業三神通三業疏下四倒明四辯者初句樂說無礙二得一

切下詞無礙二於虛空法界下義無礙四知一切法下法無礙大文第五舉失分疏今初舍利弗然諸弟子古今譯殊今多依羅什三藏言鷲鷺者大乘法師云是百舌鳥亦云春鷲古德引經亦云其母辯才如彼鳥故此中是舊梵語新云奢利弗怛羅弗怛羅卽子也又舍利亦翻爲身母好身品故或舍利云珠母智慧無窮決了諸疑者舍利弗第一智論四十一稱爲如來左面弟子父名優婆提舍疏目連梵語卽古譯義卽新譯新梵語云摩訶沒特伽羅然疏約從母

80 1 2 3 4 5 6 7 8 9 100 1 2 3 4 5 6 7 8 9 100

氏得名若從父稱此名俱利迦亦云俱儼多亦云俱律陀此云吉占智論云舍利弗以才明見貴目連豪彥最重智藝相比德行互同增一二云我弟子中神通輕舉飛到十方者大目連第一智論四十一稱爲右面弟子梵德勝之殿跋耆域之車壓調達五百之徒尋佛聲過恒河沙界德難稱也跋此云飲光者真諦等同譯爲飲光上古譯云龜氏其先學道靈龜負圖應之因以命族增一阿含云羅閱祇大富長者名迦毗羅婦名檀那子名畢鉢羅子婦名婆陀其家千倍勝餅沙王十六大國無與爲隣畢鉢羅卽迦葉名也

其父禱此樹而生故付法藏傳云毗婆尸佛滅後其塔中像金色缺壞時有貧女得金珠請匠打爲箔金師歡喜治瑩佛畢立誓爲夫婦九十一劫天上人中身恒金色恒受快樂最後爲迦葉夫婦畏勝王得罪減一犁但用九百九十九雙牛金犁又經云其家有斂最下品者直百千兩金以釘釘入地十尺斂不穿破如本不異六十庫金粟一庫管三百四十斛又經云以麥飯供養辟支佛恒趣忉利各千返受樂身三十二相但論金色耳刹浮那陀金在濁水底光徹水上在暗暗滅迦葉身光勝於此金光照一由旬增一

撰述

文獻編著總目錄卷之四

十一

四

云佛法中行十二頭陀難行苦行大迦葉第一言揀
 餘迦葉者卽如十力迦葉優樓頻螺等疏離波多此
 云室星其言卽古今同釋法華云離婆多新云頡麗
 伐多皆梵音輕重或云所供養者卽音義釋也假和
 合古今同也疏卽智論二鬼食人之事者謂此人行
 涉空亭止宿見二鬼爭屍皆言我先持來二鬼共言
 取其分判此人實見小鬼持來及被鬼問竊自思惟
 我隨言一持來彼不得者必當見害我寧實語而死
 終不虛誑而終遂如實答小者持來被其大鬼拔其
 手足隨而食之得屍之鬼便取其死屍手足隨安彼

鬼食竟拭口而去及明憂惱不惻誰身言假和合初
 常疑云若我本身眼見拔去若是他身復隨我行住
 疑惑猶預逢人卽問汝見我身不衆僧見之云此人
 易度而語之云汝身本是他之遺體非已有也悟此
 假合因卽得道以常問故故云常作聲也疏生而室
 空者相師占云是善相故亦云善吉亦云空生其義
 一耳解空第一得無諍三昧有供養者現與其福故
 云善吉疏阿菟樓駛等者亦云阿泥菟豆或云阿那
 律亦云阿泥嚕多金梵音楚夏皆云無滅亦云無貧
 言一食之施者賢愚經說弗沙佛末世時饑饉有辟

80123456789

90123456789

支佛名利吒行乞空鉢無獲有一貧人見而悲憐白
言勝士能受裨不卽以所噉奉之食已作十八變後
更採稗有兔跳抱其背變爲死人無伴得脫待暗還
家委之於地成金人拔指贛生用却還出取之無盡
惡人告王欲來奪之但見死屍而其所覩卽是金寶
乃是現報若是九十一反卽果報也又其生已後家
業豐溢日夜增益父母欲試之蓋空器皿往送撥看
百味俱足而其門下日日常有一萬六千取債一萬
六千還直出家已後隨所至處人見歡喜欲有所須
如已家無異卽世尊之堂弟斛飯王之次子也疏難

陀等者卽放牛難陀疏劫賓那者疏釋卽音義中大
乘及天台等舊譯爲房宿然有二義一以父母禱此
宿星感此子生故二云與佛同房宿故謂初出家時
未見佛始向佛所夜值雨寄宿陶師房中以草爲座
晚又一比丘寄宿卽推草座與之自在地坐中夜相
問欲何所之答云覓佛後比丘卽說法辭去豁然得
道後比丘卽佛也增一阿含云我佛法中善知星宿
日月者劫賓那第一則亦從所知爲名疏迦旃延者
卽大乘法師釋謂上古多仙山中靜處年歲既久鬢
髮稍長無人爲剃婆羅門法要剃髮故一仙有子兄

授述

大方廣佛華嚴經疏卷之四

十四

四

第三人俱來觀父小者乃爲諸仙刹之諸仙願護後成仙道爾來此種皆稱剪剃疏富樓那具云滿慈子者梵語云彌多羅尼子滿願是父名父於江邊禱梵天求子正值江滿又夢七寶塔盛滿中寶入母懷母遂懷子父願獲滿從此立名母名彌多羅尼此云慈行亦云四圍陀中有此品名其母誦之以此爲名尼行亦云四圍陀中有此品名其母誦之以此爲名尼者女聲也以母諭子名爲慈子增一云善能廣說分別義理滿願子最第一疏如智論及音義說者音義略說已如上引智論多說緣起卽引四阿含等經然其列名或從德行勝劣或從出家先後如法華阿若

橋陳如在初等故報恩經說初度五人次度耶舍門徒五十人次度優樓頻螺門徒五百次度伽耶門徒三百次度那提門徒二百次度身子門徒一百次度目連門徒一百今舉大數成一千二百五十人若十二遊經兼出其年云佛成道第一年度五人第二年度三迦葉第五年度身子目連則爾後更多故法華初有萬二千羅漢後二千學無學等今此但舉五百以從勝劣列之卽法華第三周第一與記者體德大薩故偏舉之疏多同念請果中初之十句者神力卽

80 1 2 3 4 5 6 7 8 9 100 1 2 3 4 5 6 7 8 9 100

前如來力嚴好卽前如來身境界全同遊戲卽前自在神變亦是三昧三昧現故尊勝卽如來智如來智最勝故妙行卽前智行威德卽前無畏住持卽前加持故皆同也前來心念佛向示之皆不見耳重閣同空下略示向來神變及遊戲相疏法華遊戲神通等者舉法華揀異亦是通妨今云揀異者卽法華信解品四大聲聞自叙云世尊往昔說法既久我時在座身體疲憊但念空無相無作於菩薩法遊戲神通淨佛國土成就衆生心不喜樂卽聞而不樂也下偈兼出不樂所以云一切諸法皆悉空寂無生無滅無大

無小無漏無爲如是思惟不生喜樂釋曰旣了無生故不喜樂是以結云勿滯冥寂故入地云諸法真常離心念二乘於此亦能得也言通妨者此何令其不聞彼何令其得聞此義至下釋之旣本下結勸修實疏所無在前者卽前無如是善根故無如是智眼故等疏此段亦同法華自釋等者亦信解品言自釋不喜樂者彼前文心不喜樂後便云何以故等如疏意云世尊昔說聲聞有究竟極果我今已證故菩薩法非我所學故不樂也旣已得證卽住自乘故雖上根身子樂十力等而復自嗟我無此物疏一道者卽釋

撰述

大藏經書寫本研究會影印

卷四

四

經成就聲聞道言見修等者等取方便及無學也言
 斷惑集者集卽集諦通於業惑菩薩無住等者等取
 教道證道一道二道乃至無量道而教證等名二乘
 亦有特與異者卽無住道若約其義教證亦殊故云
 等也第二喻顯中先總料據次隨文釋後途配闕因
 十句前中二先敍昔總許後今解有二下申今正義
 便彈古義以舉今正據昔成非故於中先通中二一
 總辯標通通有二義一通因果二通喻諸句後以合
 文下引證辯通文有三節一正引文證通於菩薩二
 又不喻下反以義證合通菩薩三又合文中下正引

文證通喻諸德疏二者別喻等者亦舉正以據昔非
 於中有八一總出別喻之由卽反顯也二然雖別下
 據異昔非三而前九下通明十喻異相四於前九中
 下總示別喻德相五又第一五十下約迷悟之人據
 其喻相六又唯約聲聞下別示迷者異相七且就前
 九下將欲釋文重據第三諸喻別相八前九德中下
 通收通別二意疏今初鬼對恒河下疏文有二先總
 顯喻意後言餓鬼等下牒釋經文十喻皆然言生分
 已盡爲鬼者如鬼已捨生人故疏卽是業餘者二餘
 之義已見上文然總相說以無漏有分別業名爲業

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

餘今未得無生未得法界未證真解脫皆分別也行苦所遷者苦餘卽變易生死意生身此約已入無餘者今約未入無餘已得有餘餘苦依身卽苦行也疏空見爲烏鵲下皆是煩惱餘然煩惱餘通是無明住地卽是智障智障有二一所知之障卽以業障喻所知之障故云蔽其眼故二所知卽障故經云智障甚盲冥謂真俗別執今於有無作決定解卽真俗別執故是知障烏歸虛空故喻空見獸依於地故喻有見不同法華鷗鶴鷺等喻界內煩惱疏雖覩世尊下此明二乘但見自分境界耳五俱鄰等最初受道豈

見世尊始成正覺身遍十方智入三際等疏不曾已下合俱形等者無生忍衣法界行食皆一切智諸善根也疏及菩薩大會下十一句者謂一菩薩大會二菩薩普入三菩薩普至四普詣五神變六遊戲七眷屬八方所九莊嚴師子座十宮殿十一菩薩住處今文夢往須彌卽普至普詣普入善見大城等宮殿卽菩薩宮殿城池園林卽是住處天子天女卽眷屬開華奏樂卽是神變歌詠戲樂卽是遊戲住止周旋卽有座矣疏然此下八喻亦約二乘料揀以初一喻聲聞但有不得法喜之一德耳故此下八具於通別疏

80 1 2 3 4 5 6 7 8 9 90 1 2 3 4 5 6 7 8 9 100

喻菩薩所入三昧及觀察曠申勇猛供養如喻思之者然合文自具若約喻者伏藏猶如三昧聰慧分別卽是觀察隨欲而取卽是曠申有福力卽當勇猛奉養父母卽供養也疏喻菩薩受記等者不能採取卽無勇猛不得受用卽無受記成就義也疏喻菩薩法身下五句者卽菩薩法身清淨菩薩智身圓滿願身示現色身成就菩薩諸相具足釋曰五句不出菩薩形相威儀疏言遍處等者疏文有三初釋名二會釋三會通經意今初俱含頌云遍處有十種八如淨解脫後一淨無色緣自地四蘊論云謂八自性皆是無

貪若并助伴五蘊爲性又云有餘師說唯風遍處緣所觸中風界爲性言八者卽青黃赤白地水火風如今經辯論云依第四靜慮者緣欲可見色如淨解脫後二如次空識二處若無色爲其自性凡緣自性各緣自地四蘊爲性應知此中修行者從諸解脫入諸勝處從諸勝處入此遍處以後後智勝前前故爲修解脫但於所緣總取淨相未能分別青黃赤白後四勝處雖能分別青黃赤白而未能作無邊行相前四遍處謂觀青等一一無邊餘如疏辯言勝處者頌云勝處有八種二如初解脫次二如第二後四如第二

援述

大方廣佛華嚴經疏卷之四

七

再四

謂前二解脫各分多少有四後四卽青黃赤白能制
伏心緣境處故名勝處疏然瑜伽智論下第二引論
會釋於中五一雙標經論二先觀青等下依俱舍釋
相三前八依第四下辯所依定已如上引四瑜伽十
二云下明其建立於中有二先問後由此二種下答
問言色觸者問意云何以十二處中唯依二處謂青
黃赤白是色處地水火風是觸處以堅濕煥動是身
所觸故答中二先明立二之由此有三義次下當知
後從眼等下明於十處不立遍處所以亦有三節次
第對上一眼等根色唯屬自身者對上通自他身二

香味一塵不過一切者對上遍有色界以二禪已上
無鼻舌識故亦無香味二塵三聲塵有間者對上常
相續故聲發卽聞不發不聞故有間斷言是故不說
者通結上三節於十色處中不說八色處爲遍處也
五無色界下釋於後二可知疏今已宗別下第三會
通經意於中二先以經會論後例此下以論例經重
釋前天遍處謂上論所據今皆取之例天遍亦可通
所據疏第九二天隨人可知疏第十滅定不行喻者
然滅定之義六地已略明今當更說薩婆多宗此定
唯依有頂地起以下諸地皆名有想行相麤動難可

80 1 2 3 4 5 6 7 8 9 100 1 2 3 4 5 6 7 8 9 100

止息此有頂地名爲非想行相微細易可止息故唯有頂有滅盡定俱舍頌云滅盡定名體爲淨住有頂謂滅盡定以二十二法爲體謂修定前有二十一心所及心王故言二十一心所者謂大地十大善地十欣狀隨一爲滅定故有二十二法不相應行替處名爲滅定隨滅爾許心心所法爲定體也若成實論第十六滅定品云問曰若此中意以泥洹爲滅者是汝先言九次第定中滅定心心數滅是則相違答曰滅定有二一諸煩惱盡二煩惱未盡煩惱盡者在解脫中煩惱未盡在次第中一滅煩惱故名滅定二滅心

心數法故名滅定滅煩惱是第八解脫亦名阿羅漢果若唯識第七云滅盡定者謂有學無學卽羅漢及獨覺辟支或有學卽三果身已伏惑障無所有貪謂無所有已證阿那含下諸貪滅

上貪不定已上貪未滅也

由止息想作意爲先令不恒行識恒行染汗染汗第七心心所滅合上二識俱不行故令身安和故亦

名定謂有心定令身令心平等安恬和悅爲安和今心定故亦名定由偏狀想受亦名滅彼定也卽加行心顯揚第一

云滅盡定者謂已離無所有處欲或入非非想處定或復上進入無想定或復上進由起覽息想作意前方便故止息所緣不恒行諸心心法及恒行一分諸

撰述

大藏經卷之三

三

四

心心法滅餘文可知疏又上十喻從後逆次配前闕
 因後之十句者疏但出三謂一鬼對恒河喻喻無法
 喜法喜爲食故二夢遊天宮喻喻不知菩薩如夢幻
 故此相甚顯三愚對雪山喻喻不從如來加被之所
 生故彼合經云以諸菩薩入智境界具自在力得見
 如來神變自在卽如來加被之力其捕獵者卽無加
 被也四伏藏難知喻喻本不發一切菩薩諸大願力
 故謂無福力卽闕大願五盲不見寶喻喻本不求超
 出世間不共菩提諸善根故無眼不見於寶卽闕不
 共善根六淨眼無障喻喻本不得諸菩薩眼所知境

故此喻更顯諸人不見喻於二乘不見淨眼境故七
 遍處定境喻喻本不得嚴淨佛刹神通智故青等遍
 淨卽淨刹也八妙藥翳形喻喻本不成就如來出世
 諸善根故翳形藥卽出世善根九二天隨人喻喻本
 不修習生一切智諸善根故二天見之卽一切智人
 不見天故無此也十滅定不行喻喻本在生死流轉
 之時不勸衆生求於最勝大智眼故諸識不行豈當
 有眼故於六境都不見知是故十喻對前十因文相
 甚顯令如理思疏其前十句但通爲不見之因者卽
 前本不修習見佛自在善根故本不讚說十方世界

撰述

大方廣佛華嚴經說法論卷第十四

三

四

一切諸佛刹清淨功德等別相不顯逆順配之俱不全似故但通爲不見之因欲顯具於通別義故疏第三何以故下徵以結成疏文分三先正釋文後通妨難今初言餘皆如次者一如來境界甚深結鬼對恒河喻二廣大結夢遊天宮喻三難見結愚對雪山喻四難知結伏藏難知喻五難測結盲不見寶喻六難量結淨眼無障喻七超諸世間結遍處定境喻八不思議結妙藥翳形喻九無能壞者結二天隨人喻十非是一切二乘境界結滅定不行喻六根作業皆不行故其間文意極相順故疏上來法喻下第二會通

妨難於中三初結前文以爲難本二難三釋二中引於三經而有二難一引大品難無現緣言苦智若斷者彼經具云須阨洹若智若斷皆是菩薩無生法忍斯阨舍若智若斷皆是菩薩無生法忍阿那含若智若斷皆是菩薩無生法忍阿羅漢辟支佛皆別之若智若斷皆是菩薩無生法忍下結難可知疏又文殊巡行經下後引二經難不令聞今此一經略以義引耳若具引者名文殊師利巡行經以經說文殊遍巡五百比丘房皆見寂定因以爲名最後難舍利弗以顯甚深般若問舍利弗言我時見汝獨處一房結跏

80123456789

90123456789

撰述

不廣行持法華經疏卷第

再四

趺坐折伏其身汝爲當坐禪耶不耶答云坐難云爲當欲令未斷者斷故坐禪耶等因此廣顯性空無得之理也時五百比丘從座而起於世尊前高聲唱言從今已去更不須見文殊身不須聞其名字如是方處速應捨離所有文殊一切住處亦莫趣向所以者何文殊煩惱解脫一相說故等舍利弗令文殊爲決了文殊言實無文殊而可得故若實無文殊可得者彼亦不可見等廣爲說法四百比丘漏盡得果一百更謗陷入地獄後還得道廣如彼說故云五百比丘聞而不信意云何以此會不令其聞而不信耶疏法

華不輕亦令其聞者引意同前卽第六經常不輕菩薩品不輕遍禮四衆云我不輕汝等汝等行菩薩道皆當作佛卽宣一切衆生皆有佛性如來知見平等之理爲令聞也衆人或以杖木瓦石而打擲之復於千劫入阿鼻地獄受大苦惱從地獄出還遇常不輕教化卽跋陀婆羅等菩薩旣二經之中皆令其聞一時之謗後皆成益今何不爾也疏答爲顯不共下第三會釋於中五一顯不共般若二顯化儀不同三明通局有殊四約開顯有異五者結成緣起今初不共般若已如前引若準天台意前以通教難於圓別今

撰述

大方廣佛華嚴經卷第十一

三

四

以圓別揀異於通疏又大聖化儀下第二化儀不同
也於中四一通上巡行法華之問一或以威力下揀
外謗顯彼經云衆中之糟糠佛威德故去三或令在
會下卽通前所難四然法華下會釋二經此依化儀
漸頓二教通釋經意法華是漸者化儀漸故先說三
乘引導衆生然後但以大乘而度脫之故云漸也非
法門爲漸言將收敗種者義如前引謂二乘結斷如
根敗士無利五欲如燋穀子不能生芽卽昔教意今
至法華三根聲聞皆得記別不在此會亦爲宣陳則
燋穀生芽盲聾視聽死屍再起寒灰重熱而言將收

者尚未廣說先且斥之便在會者自欣多幸故云篤
勵是以經云此衆無枝葉唯有諸貞實關中云繁柯
旣亡則貞幹存焉廣說之後方復收之故不在會亦
合爲說言此經頓教之始者初成頓說故未有滯權
不須引斥直彰不共顯法難思在會不聞由無因種
若修因種于何不聞故云令修見聞種疏又復大乘
該於小乘下第三通局有殊也小乘猶如百川不攝
大海大乘猶如大海必攝百川言小智不知大智者
卽莊子意彼云小智不測大智小年不測大年朝菌
不知晦朔蟪蛄不知春秋小乘螢光豈知日照疏又

80 1 2 3 4 5 6 7 8 9 90 1 2 3 4 5 6 7 8 9 100

若以開顯下第四開顯有殊法華對昔以權覆實故今開顯萬行同歸華嚴直顯一實深玄須對權令知故如聾啞於中三初法說二其猶下況喻三是以若約下法合疏既非其器下第五結成緣起即是華嚴圓教別來之意也大文第六偈頌分可知大文第七開發分疏此法句望前方便即是所用者此有三重能所一普賢是能有方便是所有二方便是能用法句是所用三法句是能開三昧境爲所開大文第八毫光示益分疏卽此能入亦是所益者此有兩重能所一遮那光照是其能益得解等十即是所益二此

解三昧等是其能入法身色身等即是所入不因佛光不得能入不得能入安得所入故能所入皆是成益也疏總句卽前三昧結中者前總明所入有十一句初一是總今不別廣卽前三昧結中是廣上總上總云是故皆得入於如來不可思議甚深三昧盡法界虛空界大神通力今廣中三昧結云菩薩以如是等不可說佛刹微塵數三昧入毗盧遮那如來念念充滿一切法界三昧神變海是故三昧結卽前總句此下但廣前別十句耳而言不次者此一卽前六二卽前五三卽前四四卽前九五卽前三六卽前一七

撰述

卽前二八卽前十九卽前八十卽前七文並可知大文第九文殊述德分大文第十大用無涯分疏故知善財諸友卽此會之菩薩者如獨一無侶卽德雲等二沙門卽海雲至善住等二婆羅門卽最勝寂靜等四苦行卽勝熱等五充盛卽善見休捨等六醫王卽普眼彌伽等七商王卽無上勝等八淨命亦婆羅門義當不動具足等八坡樂者義當婆須等九奉事天身卽大天等十工巧伎術卽自在童子等故皆同也大方廣佛華嚴經隨疏演義鈔卷第八十四音釋

廁初吏切素怛嚦梵語也此云契欠咗咗丘據切
 圓也運氣施智切殼克角儻郎計噉徒濫切鴟梟鴟處
 也翼也堅堯切菌巨隕切𧆚孤𧆚𧆚名

吳江黃沙大方廣佛華嚴經隨疏演義鈔卷第八十四計字一萬零五百九十箇該銀五兩三錢正崇禎五年春月徑山花城寺識

撰述

大方廣佛華嚴經隨疏演義鈔卷第八十五

三

卷八十五
大方廣佛華嚴經隨疏演義鈔卷第八十五

自無上

卷八十五

大方廣佛華嚴經隨疏演義鈔卷第八十五

唐清涼山大華嚴寺沙門澄觀述

第二末會疏今初夫圓滿教海下此文有二先標後故非頓下釋前標有三對今疏釋有二一出三對之由二明該羅等義今初若無頓證法界豈顯此經圓妙若無善財漸進衆生如何趣入若無本會佛爲其主何有末會皆得成經若無末會善財成益豈顯本會頓證之實然此一對語出肇公維摩注序彼以不思議中以分本末云此經所明統萬行則以權智爲主樹德本則以六度爲根濟蒙惑則以慈悲爲首語

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

撰述

再五

宗極則以不二爲言凡此衆說皆不思議之本也至若借座燈王請飯香土手接大千室包乾象不思議迹也然幽闕難辯聖應不同非本無以垂迹非迹無以顯本本迹雖殊不思議一也今但借其言不取其義自以二會爲本末耳非人無以證法者法無廢興弘之由人故非法無以成人者不證性原豈名菩薩故中論云以法知有人以人知有法離法何有人離人何有法疏故前明不異漸之頓下第二明該羅等義三對爲三一明漸頓該羅一二互不異卽該羅義其多門而衆人同契卽不異漸之頓相也上不壞多門

入法身等十種別故卽是漸義衆人同契卽是頓義或一人證多或多人同證故卽頓也一人歷位卽是漸相而圓修故不異頓也二前卽不異末之本等者本末交映也雖卷而恒舒卽不異末之本相也卷謂不離祇園而恒舒者而羅身雲於法界也言雖舒而恒卷者謂雖羅形於法界而未動足於祇園是不異本之末也本末無礙下結第二門三今託人進修下釋人法融會也語則不似前二但似結成今會意亦具矣謂託人修進者人融法也使大教弘通法成人也言卽斯本意者語則正結第三意則通結上二成

總顯會意也疏二會數開合中二先局言二諸乘人會者卽初至福城東會也後若約能所下明通於中三一標數就第三會開五十三成五十五二雖人有五十四下次釋成上義言五十四者善財初遇文殊從德雲至瞿波有四十人寄於三賢十聖摩耶已下天主光等有十一人已五十二及彌勒普賢故五十四舉此五十四者乃成會違一向都望人五十四兼比丘諸乘二會則合有五十六會若望善財金見五十四人卽合自有五十四會何以惟五十三故下釋云文殊一人四會說故故雖五十四人有五十五會

若爾一人四會卽五十四中加三成五十七何言五十五故次下云德生有德同一會故又減其一遍友不成會又減其一人亦五十五若取遍友成一會故善財有五十六兼前五十六爲遍友不成主伴但標五十五耳疏是以唯就能化下結成通義疏若約主伴下開成百一十下有三釋正義一人當兩故故前案定爲五十五從若約散說下三約教結成疏三會主多少如上開合應自知之疏四定會名義者謂無佛說而稱經會者以本統末故言濫觴者濫泛也觴杯也謂江出岷山初出之源但可泛一杯而已所出

80 1 2 3 4 5 6 7 8 9 10 1 2 3 4 5 6 7 8 9 10

雖少源在於此故雖千里萬里而云江出岷山故雖散在諸方而云經會疏若爾下解妨可知疏五二位統收者別有三聖圓融觀大意此已盡矣但普賢所信所證雖是一理而約生約佛位分染淨異故分成二疏又理開體用等者此卽三聖觀中會歸經題理開體用卽大方廣大卽體性包含方廣業用周遍故智分因果卽佛華嚴佛是果智華卽因故疏先以二門各自圓融者初融文殊信解智三後依體起行下融普賢所信及行并所證三疏是以文殊三事下總結上三雖開兩段義有三重一二聖三事各自圓

融二二聖三事各對圓融三總融二聖謂初三事既自圓融次以三事各對圓融故其六法但成一味而言文殊三事融通隱隱者信智圓融不壞相故普賢三事涉入重重者以理融事事不泯故若二不二成毗盧遮那則文殊是華嚴普賢是大方廣冥合爲佛爲佛已竟無二味故前本會下引文證成非情見故疏六分五相有三初雙標二二皆下雙會三具依下正釋疏照前行等唯一圓智者行卽寄位修行等取次二四其後四相下此立別理則不壞依五相中三一總爲寄位修行二今從下且爲五相却歸前釋

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

三此五下別義料揀言五行者一歷位上昇故云高
行二同入一實故爲大行三具上高大成補處因故
名勝行四般若絕相故稱爲深五一稱性故云廣
也蹤不出二十類者此二十類攝五十四人菩薩攝
五一文殊二觀自在三正趣四彌勒五普賢一比丘
攝五一德雲二海雲三善住四海幢五善見三尼唯
一卽師子曠申四優婆塞唯一卽明智居士五優婆
夷攝五一休捨二具足三不動四婆須蜜五賢聖六
童男攝三一自在主二善知衆藝三德生七童女攝
二一慈行二有德八天唯一卽大天是九天女亦一

卽天王光十外道亦一卽是遍行十一羅門攝二
一勝熱二最寂靜十二長者攝九一解脫一法寶髻
三普眼四優鉢羅華五無上勝六鞞瑟胝羅七堅固
解脫八妙月九無勝軍十三先生唯一卽遍友十四
鑒人亦一卽彌伽十五船師卽婆施羅十六國王攝
二一無狀足二大光十七仙人唯一謂毗沙十
八佛母唯摩耶夫人十九佛妃唯瞿波二丁諸神攝
其十一安住地神二婆珊婆演底夜神三普德淨光
夜神四喜目觀察夜神五普救衆生妙德夜神六寂
靜音海夜神七守護一切城增長威力夜神八開敷

80 1 2 3 4 5 6 7 8 9 10 1 2 3 4 5 6 7 8 9 10

一切樹華夜神九大願精進力救護一切衆生夜神
 十歲毗尼林神卽圓滿光故二十類攝五十四疏四
 約相辯異不出菩薩五生者卽瑜伽四十八品中辨
 一息苦生亦名除災如爲大魚等卽飢世救苦海中
 救苦等二隨類者隨一切類故三勝生亦名大勢生
 謂形色族姓富貴等四增上生從初地至十地爲諸
 王等五最後生卽最後身菩薩今小不同者意將彼
 義攝此友故攝論第六明勝生亦名最勝生謂諸世
 間安樂生處應知此是說法功德疏通卽前四各具
 五生者向就第四約相有五今通於前因果及義亦

各具五耳疏於中菩薩有六者卽二十類中就最後
 而辨異也等取文殊及普賢也疏三現相者如大天
 等四表義者如山表位如海表悲等疏又前依佛法
 界流等者約表說法也疏比丘義如常者古有五義
 一曰怖魔初出家時魔宮動故二言乞士下從居士
 乞食以資身上從諸佛乞法以練神故三名淨戒持
 戒漸入僧數應持戒故四云淨命旣受戒已所起三
 業以無貪故不依於貪邪活命故五曰破惡漸依聖
 道滅煩惱故新云苾芻苾芻草名具五德故疏於我
 無我得不二解等者卽釋經諸世間主兩供具雲等

80 1 2 3 4 5 6 7 8 9 10 1 2 3 4 5 6 7 8 9 10

以王卽自在義旣我無我不一方爲自在此卽淨名迦旃延章五非常義前三地已引卽於我無我而不二是無我義無我法中有真我故一約表者諸佛顯揚皆依般若等者文殊表般若若無般若不能說故已是一義究竟下又表所說雖復千差究竟至於一切種智故放光還入智頂後句卽法華意疏若無愛見而修則無疲矣卽淨名問疾品意前文已引疏一眼具斯四用故稱無礙者正是上第三義也第六十二經疏表順福分善者十信爲順福分善三賢爲順解脫分善所修善根順趣解脫故四加行位名順決

擇分善順趣真實決擇分故決擇卽是道義如十地今表十信故是順福疏不別演說故非別會者以刊定記開此諸乘人會爲兩會謂三攝諸龍會四攝諸乘人會故今遮其謬釋自下第三攝善財會疏唯初信內有三會者問此攝善財何以籠前二會各以通末會爲五相故初一會是十信收而善財中自具五相最初信位義兼前二故就此序疏三下方不同此段有四一總辨類殊二別釋南義三對類料據四敘昔順違今初卽總收諸友以爲三類言地前多在南者以正趣一人從東方來不言南故言地內無方

者從婆珊婆下有十善友皆無南故言地後兼二者瞿波指於摩耶但云此世界中有佛母卽不云南摩耶指天主光云此世界三十三天天主光指遍友言迦毗羅城有童子師遍友指衆藝云此有童子衆藝指賢聖云此摩竭提國有優婆夷此上五會皆無南也賢聖指堅固解脫長者卽云南方有城名爲沃田彼有長者堅固指妙月但云卽此城中有一長者妙月指無勝軍卽云於此南方有一聚落名者無勝軍指最寂靜亦云於此城南方有一聚落名之爲法彼有婆羅門最寂靜指德生有德亦云於此

南方有城名妙意華門德生指於慈氏亦云於此南方有國名海岸文殊普賢二俱無方地後三相有十三會五會有南八會無南故云兼二疏然南方者下第二別釋南義疏南方之明萬物相見者卽周易說卦中義易曰离者明也萬物皆相見南方之卦也聖人南面而聽天下嚮明而治蓋取於此也疏北主於陰顯是滅義者亦周易意說卦云坎者水也正北方之卦坎也萬物之所歸也世尊金棺下引內教證義如前引餘可知疏此五義中下第三對類料揀對前三類亦可思之疏有人唯取下四敘昔順違卽苑公

意於中三一敘其所立故彼疏序云善財詢友表隨順以南行二非前下敘其破古謂正明之義既出周易故是此方耳三寧知西域下今疏破之此有二意一則正斥其破既未尋西域內外典誥安知西方無正明義亦如今人相承皆云此方立於四時西方但明三際及見西域記彼亦立其四時但以正月十六爲春首耳是以未能周覽無信凡情二況通方下爲其立理小乘教說雖非我所制例於餘方所不應行者亦不應行名曰隨方毗尼況於大乘況華嚴通方之說一說一切說隨類隨方一時普應何但義求疏

無此二緣不歎者略者如休捨優婆夷及天王光後諸善知識疏婆須達者以此文中復有須達長者故釋此一揀異初會精舍之主疏財多屬依者亦有法財故云多也疏今初由已發心故下疏文有三一總出說因也二此菩提心下問三古有多釋下釋於中四一敘其上古二云古不足依下敘其下古破昔自立三然此師下破其下古有二意一縱破顯不異昔下古卽刊定記也二又以此文爲證下奪破顯其引證難憑以違餘文故四賢首云下敘其中古以爲正義於中亦四一正敘昔義二若爾下敘昔成立於

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

上三生之中措定今解行生爲是何位故先自問從謂以在信下自答二此之一解下疏辯順違於中先正許順理後但更有下疏正其釋以向古釋復似違前故謂前定三生今生但是解行而非證入及至後釋卽言寄地卽是地位豈非證耶故今正之一時頓具卽是第三證入生故亦成漸頓得交徹故四地獄天子下疏引經文證成正義結彈刊定於中又二二正證二何以善財下彈昔於中三一正彈其釋二又定初地下審定其釋二無得管見下結其有違疏餘皆所起之惑者上來初釋第一句愚迷下釋第五句

魔王下釋第七句童蒙下釋第八句今餘卽二三四六句然二界下釋第二三句略不釋四六二句四望於五五是發業之本四是潤業之受六通發潤卽六地中無明所覆愛水爲潤我慢溉灌生名色芽也言苦集者初三及八卽是苦果餘五皆集略無有業含在魔土及後二偈行邪之中疏失正行邪者由前無明而起行故又前三句卽起業之惑亦業俱之惑第四句卽所起之業後偈初句卽覆業煩惱由於前二誑二於不可得處而生於嫉三於已得處便生慳惓迷我所以我對所而生三惑一於未得處而生詣誑二於不得處而生於嫉三於已得處便生慳惓

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

後之三過在覆業中疑惑弊眼卽正能造業疑於有
果無果不見未來故造惡業不見現苦故造善業故
下三惡卽惡業果諸趣卽通善業跡馳驟三界者書
云堯舜安車夏殷步驟言其道不及前今以一乘爲
安車安車牛車尚異二乘羊鹿豈況三界步驟疏初
四頌求悲智定攝利他乘者總相釋也初偈是悲二
是智三定四卽四攝然下四段皆明乘義今當別配
初偈有五一願行相扶如輪致遠二一切佛法皆依
大悲猶如衆輻以湊一轂三信心不退如軸居心四
堅忍不動如鎗貫定五諸功德寶而爲莊校卽通五

度末句結求可知第二偈三義一總持攝法如箱攝
物二慈愍覆蔭如張幘蓋三四辯演法如鳴鑾鈴第
三偈三義一梵行嚴潔如淨茵蓐二三昧適神如侍
殊女三法音警物如擊鼓聲第四偈三義一四攝益
物無盡如藏二功德圓淨如寶莊嚴三牛有羈鞅離
過引車人有慚愧拒惡崇善疏次三求十度自行乘
者初偈四度一施爲行首如輪爲車本二戒能防非
諸行皆淨故如塗香二內忍貪嗔外忍違順則萬行
端嚴也四精進堅牢策萬行故次偈三度一禪能攝
散如箱持物亦能空心如四周箱中空爲用二三二

換述

大藏傳書院藏書

1

五

度共爲輓者般若觀空方便涉有有方便慧解有智慧解此二相資共成一觀猶如一輓二頭交徹可以引行故於餘處名爲父母具上三度調伏不退後偈三度一願令行滿故喻於輪然初施輪是行之首此之願輪以導於行故有二輪慈氏云如龍布密雲必當霆大雨菩薩發大願決定修諸行願相扶故有二輪二卽力度力有二種一思擇力故有總持二修習力故有堅固如車堅固能持是有力義三智度決斷無行不成如有巧智令車成就故云閉門作車出門合轍疏次四求二利滅障乘者初偈三義一普

賢之行周市莊嚴一乘之體二悲不傷物故云徐轉三上二無緣故所向無怯不畏衆生難化萬行難修故次偈三義一般若證理如金剛堅斷迷理惑如金剛利二方便善巧依根本成猶如幻化斷迷惑惑如車之巧二具斯二道二障皆亡云一切無礙次偈卽無緣慈與樂卽慈普被稱廣大無緣故淨如車中虛則無不載故如虛空等法界也後偈斷三雜染降魔制外皆取二輪摧壞之義疏後四求運載廣大乘者初偈取車備體莊嚴義二取中虛普益義三取安穩速疾義四取不動普益義疏上四三賢等配文甚顯

撰述

大方廣佛華嚴經疏卷第十一

十一

疏法無人弘雖慧莫了卽暗用上經須彌頂上偈讚云譬如暗中寶無燈不可見佛法無人說雖慧莫能了疏涅槃二十者此是闍王尋路而來如來遙歎經云爾時佛告諸大衆言一切衆生爲阿耨多羅三藐三菩提近因緣者莫若善友何以故阿闍世王若不隨順者婆語者來月七日必定命終墮阿鼻獄是故近因莫若善友疏乃至廣說以爲全分者卽涅槃二十六說第四功德謂親近善友廣引舍利弗等非是衆生真善知識我是衆生真善知識廣引昔事見佛成益最後云常修惡業以見我故卽便捨離如闡提

比丘因見我故寧捨身命不毀禁戒如草繫比丘以是義故阿難比丘說半梵行名善知識我言不爾具足梵行乃名善知識是故菩薩修大涅槃具足第四親近善知識釋曰此言順於西域若順此方應言善知識是半梵行我言不爾善知識是全梵行故疏義引耳疏文有一勢下疏文有一對前料據二就此諸句下隨文別釋於中先釋總句後餘九下釋別句於中三初橫釋次豎釋後雙結疏則攝衆魔爲侍者卽淨名問疾品文殊問言此室何以空無侍者廣答空竟云又仁所問何無侍者一切衆魔及諸外道皆

80 1 2 3 4 5 6 7 8 9 90 1 2 3 4 5 6 7 8 9 100

吾侍也所以者何衆魔者樂生死菩薩於生死而不捨外道者樂諸見菩薩於諸見而不動釋曰此中但用攝魔耳言不溺實際之海者對於小乘已見七地疏大聖此中下總顯文意疏人能行此是人善友者然賢首有三義一者人善知識二者法善知識三者合辯疏上列五卽皆是人故結云人能行此卽人善友二法善友彼有六位一人天法二小乘法後四卽四教法故今疏通云教理行果皆善友也三合辯者彼亦有六謂於上六法各說一門而授機故疏意不存第三第三不異初門故疏設有實過尙取法亡非

者故什公常說偈云譬如淤泥中而生青蓮華智者取蓮華勿觀於淤泥卽其事也疏況權實多端生熟難測者亦涅槃第六經四依品云如菴羅果生熟難知謂內懷腐爛外現律儀此爲外熟內生內具深法外示毀禁之相爲內熟外生是則以貌取人失之子羽又說有迦羅迦果鎮頭迦果二果相似迦羅迦果則惡藥人鎮頭迦果則好益人喻善友惡友外相相似故難知也其權實多端通於諸經此經須婆勝熱無厭等逆行此爲權示豈得爲非故難測也詩云採葑採菲無以下體是以大賢縮德露疵含光匿曜不

披述

大藏書影本

古

再五

可知也疏然此德義就事就表通皆具之者就事卽約德雲身上就表卽約初住法門亦具定等四義疏善財求法不懈等者卽暗用淨名第三菩薩行品如來爲衆香菩薩說法中不盡有爲之義經云何謂不盡有爲謂不離大慈不捨大悲深發一切智心而不廢忘教化衆生終不厭倦於四攝法常念順行護持正法不惜軀命種諸善根無有疲厭志常安住方便廻向求法不懈說法無惱等今但要二句耳疏闍王之遇耆域者已如向引淨藏之化妙嚴卽法華經妙莊嚴王本事品淨藏淨眼爲王現變王乃發心詣佛

得益王白述云世尊善知識者是大因緣所謂化導今得見佛發阿耨多羅三藐三菩提心疏謂令不觀種姓者卽菩薩戒不得觀法師種姓經云若佛子初始發心未有所解而自恃聰明有智或恃高貴年宿或恃大姓高門大解大福饒財七寶以自憍慢而不諮詢受先學法師經律其解法者或小姓年少卑門貧窮諸根不具而實有德一切經律無不盡解而新學菩薩不得觀法師種姓而不來諮詢受先學法師第一義諦者犯輕垢罪疏不恥下問卽論語云孔文子何以謂之文也不恥下問疏寧可少聞便證入故者暗

撰述

大方廣佛華嚴經疏卷第十一

三

西五

用涅槃高貴德王菩薩品彼文具足云寧願少聞多解義理不願多聞而於義不了大文第二古德科判從一至十者初總爲一謂各一位故二依遠公分之爲一初親近善友後告示下聽聞正法其繫念思惟及如說修行並在文中就初近善友於中有四一聞善友二求善友三見善友四請問法要就初聞善友中亦四一列國名是通處二山等是別處三善友名四教往詣二求善友於中有三初聞心喜二禮足辭去三漸行訪友三見善友中二先往見後設禮退住四請問中三一白已發心明已有機二而未知等正

問行法三我聞等歎德請說近善友竟二聞正法於中有一先歎發心後正爲說法說法中二初說證量法門後仰推等說敎量法門此上科文諸位多同少有不同者三辯法師分爲三分具如疏文就中有人云別說有三一約人二約法三合辯初約人者初聞名等爲方便二正見人爲法界二問法等彰其勝德二就法中三者一言教爲方便二智眼所得爲法界三通明業用以顯其德三人法合辯亦具三法初聞名至處爲方便次見人得法爲法界後說往因及推勝等以顯其德釋曰雖有此三辨公本科但是後合

撰述

大方廣佛華嚴經疏卷第十一

十一

卷五

耳四衍法師等分爲四量一聞名等是教量二依教尋求是信量三見彼依正是比量四聞彼所說是現量此四卽是聞思修證也更有開爲五於上第四現量之中開出自分勝進二位餘同前辯更有分五亦如疏辯六依意法師等分作六分一明求詣心行二明見敬諮問三讚說已知以授善財四說已未知五更不知者勸令往詣六辭退奉行若依五臺論亦作此釋或有一師分之爲七於前六中第二內先致敬後諮問法要八或分爲八於前七中第三之內先讚發心後說已法九或分爲九於上八中第五段內先

示已勸往後教問歎德十或分爲十於上九中第六段內先致敬後辭去上十種科中前五約值科後五約會科文並通在今疏從其要當存其三釋取六釋文而名小異者隨穩便故將抄中六對疏自知就疏六中前之四段各可爲二一中二者初念前友教二趣求後友二中二者先見敬後諮問三中二者先稱讚後授法四中二者先謙已知一後推勝知多下別科多然後二不開還成十段以表無盡疏今此正明初發心住者如入空界慧住空性得位不退故名爲住疏若善財略友云何領者初謂經家之略及觀新

80 1 2 3 4 5 6 7 8 9 90 1 2 3 4 5 6 7 8 9 100

譯普賢行願品梵本亦具乃是譯人略耳疏後所謂下別牒前問者向者善財若不具問此云何牒故疏前云友云何領疏亦卽爲滿者上釋由了爲無爲非一非異方能當滿今意云了非一異卽已窮究故故爲卽滿疏今由勝解於境忍可者謂唯識解信云謂於實德能深忍樂欲心淨爲性前已頌引今離用此言耳疏文殊般若明一行三昧等者然文殊有文殊問及文殊說經今之所用卽大般若中曼殊室利分總收彼二經皆入大部故又彼意云欲入一行三昧先親近解般若者聽聞諮詢受然後能入言一行者一

法界行亦無一故又云法界一相繫緣法界不動法界疏以本解性聞熏之力者淨行品已說十信滿心入此初住由信滿故明決定住菩提心三心之中解心增故卽是住體言開發者發心有二一者發起通於十信二者開發在於初住亦如前釋又高齊大行和尚宗崇念佛云四字教詔謂信憶二字不離於心稱敬兩字不離於身口彼論云往生淨土要須有信信千卽千生信萬卽萬生信佛名字不離心口諸佛卽救諸佛卽護心常憶佛口常稱名身恒常敬始名深信任意早晚終無斃住閻浮之法此策初心最爲

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 10

撰述

大藏經卷之三

卷五

要也疏以如爲佛則無境非如者大品法尚答常啼云諸法如卽是佛金剛云如來者卽諸法如義既以如爲佛一切法皆如也何法非佛耶疏又若報下然修念佛三昧多約漸修謂先爲化身觀次報後法今則一時耳疏諸蓋諸取者蓋卽五蓋取謂二取故上經云不見十力空如幻雖見非見如盲覩分別取相不見佛究竟離着乃能見故疏最初善友先明念佛法門下此明次第上問也五十五友法門不同而初說者何耶從以是下答其先說之意略有一意在文可知若更進論有其十義一如疏引智論二依佛方

能成勝行故二功高易進以獎物故四觀通淺深能遍攝故五消滅重障爲勝緣故六雙兼人法易加護故七十地菩薩皆念佛故八三寶吉祥經初說故初此念佛海雲聽法善住依僧爲次第故九卽心卽佛爲一境故十爲表初住緣佛發心樂供養故第十卽疏中第二意也疏今初無邊智慧下然其推勝略有二意二通指諸菩薩行如今總中但云菩薩無邊智慧等二就其一門但知少分如下別說二十一門我唯得一等下諸善友多約後義疏釋此總乃含二義一卽下諸門是別就一門知少分意二及所不說卽

有通該諸德之意疏二別中有二十一門下疏文分五一總釋文意二古德下敘古釋三剋實下辯順違四又此諸門下別釋由致五然其念佛下開章別釋於中三一標所念二且寄下約三身以辨三若約十身下約十身釋二中有三一明所念差別二會釋經文三以能念收束今初可知疏今此二十一門下第二會釋經文中三初標二智光下別會並可知三然上就所念下結成疏然約能念下第三約能念收束然古人已有五門云一稱名往生念佛門二觀像滅罪念佛門三攝境唯心念佛門四心境無礙念佛門

五緣起圓通念佛門此之五門初二名局又但稱名亦闕念義第五一門名則盡善及其釋義但事理無礙故今改之故初一門兼攝前二此中第五方是性起圓通事事無礙義故疏若約十身下卽第三別約十身言各二門者初二卽願身初門願生兜率天宮後門願周法界三四二門卽智身前門十力智後門了法智五六二門卽法身前門法普周一切等無差別後門體不可見不妨大用七八二門卽力持身前門持令多劫後門持令常見九十二二門意生身前門隨意生刹後門隨意生世十二二兩門化身前門化

摘要

方廣傳書卷第四

二

四五

周諸境後門化故示滅十三四二門卽威勢身前門無住後門普周皆威勢故十五六二門卽菩提身前門一毛多佛成菩提後門一念遍刹成菩提十七八二門福德身前門放光演法後門隨樂現形十九十二門卽相好莊嚴身前門應化相好後門華藏刹中相好第二十一門該於十身故等空法界亦與離世間十佛相當並如前會第二海雲寄治地住謂常隨空心淨治入萬四千法門清淨潔白治心地故疏初依教正觀下疏文分二先顯意後釋文前中二先對文釋後對前釋前中有二皆外典中意一論語云

溫故而知新可以爲師矣二又前卽學下亦論語云學而不思則罔思而不學則怠怠謂疲怠罔謂罔然無所得也今並反上故學而能思思而能學疏然思前下第二對前釋卽涅槃經意於中有二先正立理義合屬前以涅槃四事是涅槃近因謂一親近善友二聽聞正法三繫念思惟四如說修行故知後二卽屬前一此卽遠公分爲二意也疏今以前義下第二明今疏將後二屬後會意謂思修二門卽前會之義今爲後會進趣故故依教趣求言後義屬前友指來者卽是前會指示後友後友依正等合屬後會由前

80123456789012345678910123456789

友指來故屬前會名爲鉤鎖所指是主能指是伴又思修屬前此約位判今從會判故屬後也疏又此十心多同治地自分十心恐繁不會者彼十心者所謂利益心大悲心安樂心安住心憐愍心攝受心守護心同已心師心導師心今此一卽大悲二卽利益三卽安樂四安住心離惡法住善法故五卽憐愍六卽守護令離礙故七卽同已遍法界故八卽攝受法界虛空皆往攝故九卽師心見諸佛故十卽導師心入種智故疏次前念佛下生起次第疏一紀已周者十二年爲一紀故周十二辰故過十千劫者十信滿十

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

諮受大法雨故十導師心謂具功德者敬之如佛故湛無增減以斯十悲對斯十喻有如符契故上歎十心卽是法說今此海喻喻前十心彌復相當疏二忘詮求旨爲見佛親因者此中唯有四句一廣二多三深四勝初二卽前第一開出三卽第二四卽第六一海衆色故爲殊特餘六句不出深廣故但舉四又餘之六句餘處容有故牒此四顯其奇特問旣歎奇特何名忘詮離前十相更求過此卽忘詮求旨意也由此忘求故得見佛疏以深觀心法海等者法海卽是悲海而法名通對上自心觀心卽心華開敷觀大悲

法卽二利行發疏普詮諸法故者此有三義此一約深二普詮諸法約廣上二直就所詮三卽從益立稱旣一法中見一切法則其一眼見十眼境所見之中已有能見能見之中有所見矣以一法中有一切故廣如毗盧遮那品疏先總顯所持法多者卽海墨書而不竭然入大乘論引此經文云是海幢下說法門全同於此喻相小異云大海水盡以磨墨積大紙聚猶如須彌山四天下草木持以爲筆三千世界水陸衆生悉爲法師於一刹那頃所受法門猶不能盡此約書文不盡彼約領多不盡疏旋轉者如下彌伽然

80123456789012345678910123456789

此十句文並可知亦卽治地中勝進十法謂誦習多聞虛閑寂靜等但有開合可以意得疏具斯四義名無上寶存以梵音者以具梵音經題云楞伽阿跋多羅寶經阿之言無跋多羅云上寶卽此方之言又多羅亦是寶義則譯人雙存楞伽正是難往之義上之四義前二卽無上寶後二明於難往高顯伽王之所居故卽得通者不難往故疏表此住中觀一切法如虛空無處所故者彼具云此菩薩以十種行觀一切法所謂觀一切法無常二一切法苦三空四無我五無作六無味七不如名八無處所九離分別十無堅

實釋曰皆有一切法言今但舉三八二句以順住空然餘八亦是空義第三善住寄修行住謂巧觀空有增修正行故疏顯此住中善觀衆生等十種界故者彼經云佛子此菩薩應勸學十法何等爲十所謂衆生界法界世界觀察地界水界火界風界觀察欲界色界無色界是疏今初有十二句初一他心等者且順文配若約開合取之卽具十通一他心二三皆宿住以歿生言故疏云兼於三明十通知過去歿生亦語卽分別一切衆生言音智通音聲卽天耳通同一

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

天耳開出故今合之七八九三皆一切法智通七斷
 疑智八知根智九知時智十及十一並一切法滅盡
 智通前句剎那盡後句長時流轉盡十二神足卽無
 體性及無量色身通亦俱神境開出故故此文中通
 十通義疏百二十剎那等者此廣俱舍頌文頌云百
 二十剎那爲怛剎那量臘縛此六十此三十須臾此
 三十晝夜等疏亦有處說晝初分時等者智論等文
 彌勒下生經亦說謂釋迦修難行苦行得成菩提彌
 勒修安樂行而得菩提謂晝夜三時禮拜懺悔等謂
 日初分時日中分時日後分時夜初分時夜中分時

夜後分時合爲六時是也黑分白分卽西域分黑白
 黑前白後故正月十六爲正朝一時卽二月二月爲
 一時四時亦同此方春夏秋冬等者等取三際並如
 僥讚品卽西域記第二言仁王九百生滅等者卽第
 二經疏言十八變卽是瑜伽三十七文頌云振動及
 煙然流布并示現轉變及往來卷舒衆像入十同類
 往趣隱顯作自在制他施辯才憶念及安樂放大光明
 等轉餘有情物令成餘物故名能變神通謂一振
 動一燶然三流布亦名遍滿四示現亦名顯示五轉
 變六往來七卷八舒九一切色像入人身十所往同類

80 1 2 3 4 5 6 7 8 9 10 1 2 3 4 5 6 7 8 9 10

十二隱十二顯十二所作自在十四伏他神通十五施他辯才十六施他憶念十七施他安樂十八放大光明此十八名轉變後三句明能變今文辯相義並可知疏非戒不能治心地故者上約此中法門釋此句約表位釋然德雲是定海雲是慧此中明戒顯三學爲初故疏有二十句下案文解釋在相可知此三十戒亦卽第十廻向二十梵行但彼約自能清淨方能益他故先護重首明不破不缺等行此彰菩薩本爲利他故先明大悲後顯無垢名或小異今當略會一大悲戒卽彼第二十無恚梵行恚是悲障有悲故

無二波羅蜜戒卽第十一三世諸佛所行梵行行佛之道故三大乘戒卽第十七無比梵行餘乘無對故四菩薩道相應戒卽第十八無動梵行不動一利故五無障礙戒卽十三無着梵行由見真如成聖道故故無障礙六不退惶戒卽第十五無滅梵行順理而持常不退滅故七不捨菩提心戒卽第十六安住梵行心常詣理故八常以佛法爲所緣戒卽十四無諍梵行事理具足無非佛法何所諍哉則常緣佛法性理持戒動契聖心是緣佛智佛何不讚十如虛空戒矣九於一切智常作意戒卽第七諸佛所讚梵行稱

80123456789 90123456789 100123456789

撰述

文名居士集解淨業金光經

三

四

卽第九無所得梵行不得能所自在持故十一一切世間無所依戒卽第八無所依梵行不依現世名聞利養不求當世人天果故十二無失戒卽第五無失梵行定心持戒吉羅不犯故十三無損戒卽第六無能蔽梵行鵝珠草繫不能蔽之令有損故亦不損他十四無缺戒卽第十二不缺梵行不犯十三等無殘缺故十五無雜戒卽第三不雜梵行不念破戒種種因緣聞環釤聲亦不染故十六無濁戒卽第十九無亂梵行定共相應故無濁十七無悔戒卽第十二無礙梵行犯罪追悔是障礙故十八清淨戒卽第十一

增益菩薩清淨道梵行不同小乘唯事淨故十九離塵戒卽第四無點梵行不犯墮罪無塵點故二十離垢戒卽第一不破梵行若犯四重十重猶如破器無所復用最垢重故若依上釋卽爲憑據亦同智論十戒如廻向品會疏達里鼻茶新譯爲達羅比吒唐言持富饒亦順生貴之義疏以二世聖教法雲雨一切故者約表位說卽彼經云此菩薩應勸學十法所謂了知過去未來現在一切佛法二修習二圓滿各三爲九十了知一切諸佛平等是也第四彌伽疏寄生貴住者生佛法家種性尊貴故疏今初所以師禮資

按述

大方廣佛華嚴經疏卷第八十五

三

四五

下徵釋所以上徵問後以菩提下答先正釋以敬法重人故二故法界下引證一引論一又發心畢竟下引經卽涅槃三十七至迦葉讚佛前來已引今當更引具云發心畢竟二不別如是一心先心難自未得度先度他是故我禮初發心初發已爲天人師勝出聲聞及緣覺如是發心過三界是故得名最無上今略引三句耳上引他經若當經中其文繁博下慈氏中發心功德品上下善友亦廣稱讚疏況未說不別立禮之所以言不乖重法者以師禮資義似自輕昇座方說不乖重法言重法者涅槃第六云有知法者

若老若少故應供養恭敬禮拜猶如事火婆羅門等如第二天奉事帝釋佛言我於經中覆相說是不爲學聲聞人但爲菩薩釋曰由後義故故下通難云爲僧敬俗事不便故卽約聲聞不輕佛法若是菩薩常不輕是四衆皆禮故爲重法

大方廣佛華嚴經隨疏演義鈔卷第八十五

音釋

輞駢迷輞方六切
輞輪轉也轂古祿切輞
輞所奏也鑑胡瞻切車
輞橫木輞軸頭鐵也輞
輞依據水歿莫敦切死
輞馬領者輞中溼也歿死也

海印



吳江黃沙灘公堂資糧刻此
大方廣佛華嚴經隨疏演義鈔卷第八十五
計字一萬一千零一十九 該銀五兩五錢
分龍山釋海瓊對
崇禎五年春月徑山化城寺識

ヤ木九

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100